



802,1127
4742
=2





Centimetres


TIFFEN Color Control Patches

©Tiffen Corporation 2003





376794



爾雅郭注義疏上之二

棲霞郝懿行學

釋言第二

言者說文去直言曰言釋名云言宜也宜彼此之意也言與詁異詁之為言古也博

舉古人之語而以今語釋之也言即字也釋言即解字常行之字而以異義釋之也言即字也釋言即解字也古以一字為一篇動連十餘文而為一義者殊焉二三言與釋詁之篇動連十餘文而為一義者殊焉

故次釋言

殷齊中也

書曰以殷仲春釋地曰岷齊州以南

上篇首言始末言終此篇首言中亦末言終蓋以中統始終之義而包上下之詞也中者玉篇云半也半者通均故考工記弓人注中猶均也均者平和故說文云中也和者在其間故喪服小記注中猶閒也

儒行注中中間中則正正亦長故墨子經上篇云中
同長也是皆以引伸為義矣殷者周禮大行人云殷
相聘也掌客云殷膳大牢鄭注竝云殷中也書堯典
馬鄭注同廣雅云殷在也正亦中以殷仲秋史記五
帝紀作以正中秋是中正義同中之言眾也盛也大也
應四方有以寡御眾之意故殷又訓眾也殷其蠶之殷
多也皆從中隱憂韓詩作殷易豫釋文殷京本作隱皆
音隱如有隱憂韓詩作殷易豫釋文殷京本作隱皆
其證矣齊者平也等也皆也同也又整齊也五者實
一義皆無長短高下之差故為中也易繫辭集解引
王肅曰齊猶正也正即中之訓故詩人之齊聖箋訓
齊為中正書天齊子民馬融注齊中也列子黃帝篇
云不知斯齊國幾千里湯問篇云猶齊州也張湛注
竝云齊中也周穆王篇云四海之齊謂四海之中也
亦齊為中之證

斯諠離也

齊陳曰斯諠見詩

謾興起也

禮記曰尸謾

離者玉篇云散也去也兩也判也曲禮云離坐離立
鄭注離兩也廣雅云離分也兩判去散其義皆為分
也離與蠡音義同方言云蠡分也楚曰蠡秦晉曰離
又與蠡同荀子賦篇注蠡與蠡同蠡兮分判貌是矣
斯者說文云析也引詩斧以斯之書有斯明享鄭注
斯析也廣雅云斯分也析義皆為離故詩墓門釋
文及正義引孫炎曰斯析之離方言云斯離也齊陳
日斯是郭所本通作斯廣雅云斯散也史記河渠書
云乃斯二渠以引其河集解引漢書音義云斯分也
又通作斯方言云斯散也又與參同方言云參分也
按參之言三也夜參半即夜分半矣諠者說文云離
別也周景王作洛陽諠臺按諠臺猶離宮別館也郭
云諠見詩者邢疏引巷伯云多兮侈兮說文云多張
口也張開與分離義近又與侈近說文侈落也落有
離意故吳語云民人離落又與坻近說
文坻裂也廣雅坻分也分落義皆為離

起者說文云能立也釋名云起啓也啓一舉體也禮
 孔子閒居注起猶行也史記樂書正義云起動也行
 動皆從起義而生也謬者特牲少牢饋食俱云尸謬
 列子黃帝篇云則未嘗見舟而謬操之者也鄭注及
 張湛注竝云謬起也通作休少牢饋食及士虞禮注
 竝云古文謬或作休又與惰同詩不我能惰傳惰與
 也說文橋起也惰謬聲近惰休聲轉其義俱同矣與
 者動也作也發也舉也皆起之義也與廢同周禮注
 廢聲轉

還復返也 皆迴

返者說文云還也引商書曰祖甲返又引春秋傳作
 返通作反儀禮注反還也詩猗嗟箋及執競傳竝云
 反復也岷箋及說文云反覆也覆復聲同其義亦近
 也還者說文云復也越語注反也詩還而不入箋還
 行反也通作環又通作旋周旋亦反復之義也復者
 說文云往來也又云夏行故道也夏復音義同易雜

卦云復反也詩黃鳥及我行其野箋傳竝同又通作
 反特性饋會禮注今文復爲反葢反復一聲之轉故
 通其字

宣徇徧也 皆周

徧者說文云市也易象傳云莫益之徧辭也虞翻注
 徧周匝也俗作遍通作辯又作辨廣雅云辨徧也樂
 記注辨徧也書徧于羣神史記五帝紀作辨於羣神
 鄉飲酒禮衆賓辨有脯醢有司徹云若是以辨鄭注
 竝云今文辨皆作徧又轉爲徧玉藻注必先徧嘗之
 釋文徧本又作徧作徧又轉爲徧玉藻注必先徧嘗之
 箋俱訓爲徧逸周書諡法篇云聖善周聞曰宣亦以
 宣爲周徧也詩恆之桓桓傳恆徧也釋文恆古鄧反
 本又作互按互爲恆之古文其義訓竟而音爲古鄧
 恆从恆聲恆訓長久皆與周徧義近故其義同矣徇
 者旬之段音也說文云旬徧也十日爲旬詩來旬來
 宣傳旬徧也通作徇史記五帝紀云幼而徇齊索隱

駟遠傳也

馬皆傳車駟之名

引爾雅以徇為周徧也徇說文作徇爾雅釋文徇本又作徇又通作徇釋文徇樊本作徇郭音徇徧義亦近詰云徇今巡按說文徇行示也行示與周徧義亦近故一切經音義一引之蒼云徇徧也左氏桓十二年傳三巡數之杜預注巡徧也又通作徇下文云徇均也均徧義同故詩桑柔正義引李巡曰徇徧之均也說文云傳遠也遠傳也互相訓古以傳遠並稱故周禮行人云掌邦國傳遠之小事鄭注傳遠若今時乘傳騎驛而使者也玉藻云士曰傳遠之臣鄭注傳遠以車馬給使者也詩江漢釋文以車曰傳以馬曰遠故左氏僖卅三年傳且使遠告於鄭成五年傳晉侯以傳召伯宗則知召伯宗必以車告於鄭必以馬矣蓋傳之為言轉也以車展轉而期於早達也遠之為言急也以馬急促而期於速到也後世驛傳起於此矣駟者說文云傳也驛置騎也騎跨馬也是驛駟義別俗或通用故左氏文十六年正義引爾雅作驛傳

蒙荒奄也

奄奄覆也皆見詩

又引舍人曰驛尊者之傳也驛皆當作駟釋文反音可證舍人之意蓋據傳云楚子乘駟又云子產乘遠故知尊者乘駟卑者乘遠也左氏昭二年釋文及正義竝引孫炎云傳車驛馬也郭注本孫炎今爾雅注驛又誤作駟矣釋文駟而實反郭音義云本或作遙聲類云亦駟字同

奄者說文云覆也詩奄有下國奄有龜蒙箋竝以為覆通作揜說文揜一曰覆也又通作弁下文云弁蓋也蓋亦覆故廣雅云弁覆也又通作掩文選懷舊賦注引埤蒼曰掩覆也晉語及吳語注竝云掩蓋也方言云掩蓋也蔓亦覆蓋之意矣蒙者冢之段音也說文云冢覆也通作蒙詩君子偕老傳蒙覆也按葛生蒙楚蒙棘皆以蒙為覆也又通作幪或作幪說文幪蓋衣也法言吾子篇云然後知夏屋之為幪幪也李軌注幪幪蓋覆也又轉為一說文云一覆也按一與幕幪鼎幣竝字異而義同一蒙又一聲之轉也荒者

與奄竝訓大也大與覆義相成說文云荒艸掩地也
掩即覆蓋書惟荒度土功詩葛藟荒之毛鄭竝云荒
奄也皇矣及公劉正義引孫炎曰荒大之奄也通作
撫說文云撫覆也詩遂荒大東郭注釋詁引作遂撫
大東禮投壺云母撫母敖大戴禮
作無荒無傲荒撫亦一聲之轉

告謁請也

請也

請謁告也巳見釋詁
告謁又為請轉相訓

肅雍聲也

肅和鳴

經典言肅雖者多矣此言其聲耳詩鴻雁傳肅肅羽
聲也鵠羽傳肅肅鵠羽聲也是皆重文若單文亦為
聲禮祭義云肅然必有聞乎其容聲史記孝武紀云
神君來則風肅然是皆以肅為聲也以雍為聲者詩
匏有苦葉傳雖雖鴈聲和也雖與
雍同已詳釋詁雍雍音聲和也下

格懷來也

書曰格爾衆

來格懷至也巳見釋詁至即來故格懷又為來轉相
訓來通作戾戾亦至戾來古音同也格者當作假亦
作假竝詳釋詁通作格方音格來也又通作格詩神
係是格中庸云神之格思緇衣云則民有格心大學
云致知在格物傳注竝云格來也懷者方言云來自
關而東或曰懷釋名云懷回也本有去意回來就已
也亦言歸也來歸己也詩曷又懷止懷柔百神傳箋
竝云懷來也周禮序官懷方氏學記云近者說服而
遠者懷之鄭注亦云懷來也詩傳箋及學記注又云
懷歸也歸亦來釋詁又云懷止也止亦至至亦來矣

吟底致也

詩皆見

致者說文云送詣也詣候至也然則致亦至也至致
聲同字亦通矣吟者釋詁云告也玉篇引禮記曰眠
於鬼神亦作吟今曲禮作吟於鬼神鄭注吟致也祝
告致於鬼神辭也是致告義相成故吟既訓告又訓

致郭云見詩傳者今毛傳無或當在齊魯韓詩矣底者釋詁云止也止亦致也書乃言底可績史記夏紀作汝言致可績凡禹貢底字夏紀俱作致又敷重底席鄭注亦云底致也通作者詩者定爾功傳者致也釋文者毛音指文選報任少卿書注引爾雅郭璞曰底音指蓋郭氏音義之文

倬怙恃也

倬怙恃也

說文云恃賴也詩蓼莪釋文引韓詩云恃負也楚辭注恃怙也恃怙互相訓也倬者說文作倬云恃也廣韻云恃土地也通作倬廣韻引爾雅云恃事曰倬此蓋爾雅舊注故龍龕手鑑一引爾雅云恃事自倬也荀子非十二子篇云儉然倬然楊倬注倬然恃尊長之貌然則倬之為言倬也有所憑恃而倬然自多故倬訓汰恃訓賴也郭云今江東呼母為倬者方言云南楚瀑涯之間謂婦妣曰母倬說文則云江淮之間謂母曰媪是媪妣音義同郭意蓋倬倬以證倬之為恃取其聲同非倬有母稱也注內倬字蓋傳寫之

律遁述也

律遁述也

論語者論法及詩鴉羽傳並云怙恃也韓詩云怙賴也賴即恃之訓故說文依爾雅云怙恃也

述者說文云循也詩日月傳及士喪禮少牢饋食禮注並云述循也述又脩也脩循述俱一聲之轉通作術詩報我不述釋文述本亦作術文選廣絕交論注引韓詩作報我不述術士喪禮注古文述皆作術按術韓詩云法也法與律其義又同矣律者釋詁云常也法也奉為常法即述之義故又訓述中庸注及史記律書索隱引釋名並云律述也周禮典同注律述氣者也廣雅云律率也率循即述也通作律律從聿聲說文聿所以書也楚謂之聿吳謂之不律是律聿皆謂筆故釋名云筆述也詩正義引爾雅作聿述也聿即律矣遁者釋詁云自也循也循與自皆述之義也書今民將枉祗遁乃文考馬融注遁述也詩文王有聲箋同通作曰詩正義引爾雅作曰述也又通作聿詩遁追來孝禮器引作聿追來孝遁孫炎以為古述

字讀聿故詩聿修厥德漢書東平思王字傳作述修厥德

俞番然也

禮記曰男唯女俞番者應也亦為然

然者廣雅云鷹也又云成也成定亦然諾之意禮大傳注然如是也祭義注然猶而也按而猶爾也爾之為言猶云如是也而聲近矣今順天人謂然為唉語說文云唉鷹也又云唉並聲義同俞者然之聲也俞與唯皆鷹聲故說文云唯諾也廣雅云唯諾然也內則云男唯女俞鄭注俞然也凡書曰俞史記五帝紀俱作曰然然俞唯俱聲相轉與呼同方言云誇呼瓜呼稽然也郭云皆應聲是呼亦俞矣番者釋文云古荅字一本作荅玉篇云荅當也當亦對故鄉射禮記及郊特牲祭義注並云荅對也荅對當俱聲相轉當訓應也故荅又為鷹鷹亦然也通作對詩聽言則荅新序雜事五及漢書賈山傳俱作聽言則對

豫臚敘也

皆陳敘也

敘者說文云次第也次第其先後故釋詁云敘緒也叙者說文云陳述故晉語注敘述也通作序書內敘字有端緒可陳述故晉語注敘述也通作序書內敘字史記俱作序序有更代之義故序又訓更也代也豫者舒也序也故釋地釋文引春秋元命包云豫之言序也亦通作序祭義注序或為豫鄉射禮云豫則鉤楹內鄭注豫讀如成周宣榭災之榭今文豫為序是序豫同豫榭古音又同又通作舒釋詁云舒敘也緒也書曰豫極煥若史記宋世家作舒舒常與若大戴禮五帝德篇云貴而不豫史記五帝紀作貴而不舒是舒豫音又同矣臚者玉篇云陳也韋昭注漢書及辯釋名並云臚陳敘也通作臚廣雅云臚舒也臚司馬相如傳云臚陳敘也通作臚廣雅云臚舒也臚臚敘也又通作旅釋詁云旅陳也鄉飲酒及鄉射禮燕禮大射儀注並云旅序也士冠禮注古文旅作臚是臚旅通旅有臚音故周禮司儀云皆旅擯鄭注旅讀為鴻臚之臚

庶幾尚也

詩曰不尚息焉

尚者上也加也。有尊高之義。故釋詁云尚右也。右為嘉好之稱。故尚又訓慕也。願也。願慕與庶幾義近。故說文云尚庶幾也。本爾雅為訓也。庶者下文云幸也。幾者釋詁云危也。危猶近也。幾與覲同。覲亦幸也。然則庶幾為近幸之義。詩尚無為尚。可載也。不尚息焉。儀禮尚饗。檀弓云尚行天子之志乎哉。大學云尚亦有利哉。箋注竝云尚庶幾也。然庶幾二字亦可單言。如論語云其庶乎。左傳云庶有豸乎。易月幾望繫辭云或幾乎息矣。義皆為近。近即尚也。故家語終記篇王肅注尚庶也。庶字斷文亦其證矣。

觀指示也

國語曰且觀之兵

釋名云示示也。玉篇云示者語也。以事告人曰示也。華嚴經音義上引蒼頡篇云示現也。說文云天垂象見吉凶所以示人也。通作視。詩視民不佻。箋視古示字也。曲禮幼子常視母。註注視今之示字。士昏禮記

視諸衿。鞶注示之以衿。鞶視乃正字。今文作示。俗誤行之。莊子應帝王及徐无鬼篇。釋文竝云示本作視。又通作寘。周禮朝士注示于叢棘。釋文示本或作寘。觀者見之。示也。考工記。棗氏云以觀四國。莊子大宗師篇云以觀衆人之耳目。釋文竝云觀示也。按釋宮云觀謂之闕。亦所以表云於人也。釋文觀施音館。謝音官。二音俱通矣。指者手之示也。廣雅及離騷注竝云指語也。語亦示也。曲禮云指使使亦示也。仲尼燕居云治國其如指諸掌而已乎。中庸云治國其如示諸掌乎。

若惠順也

詩曰惠然肯來

順者釋詁云敘也。緒也。陳也。義皆相成。順者不逆也。故釋名云順循也。循其理也。逆理為凶。順理為從。故特牲饋食記注順從也。順從與慈愛義近。故諡法云慈和徧服曰順。孟子注云順變也。通作循。大射儀云以袂順左右。隈鄭注今文順為循。又通作慎。禮器云順之至也。釋文順亦作慎。易繫辭云慎斯術也。釋文

慎一本作順皆其證矣若者釋詁云善也善者和順於道德故又訓順詩烝民及閔宮傳禮曾子問及禮器注竝云若順也書之欽若及疇咨若時史記五帝紀若俱作順通作如有司徹注今文若為如按如若皆相似之言說文如從隨也从隨即順亦其義也惠者釋詁云愛也惠訓愛與順訓愛同表記云節以壹惠鄭注惠猶善也惠訓善與若訓善又同矣詩終溫且惠維此惠君傳箋竝云惠順也

敖

無傲傲慢也

敖者說文云倨也倨不遜也廣雅云傲傷也傷慢亦倨傲也通作敖詩彼交匪敖漢書五行志作匪傲匪傲又通作稟說文云稟媪也引虞書曰若丹絀稟漢書劉向傳作母若丹朱敖今書作無若丹朱傲敖者說文云出游也从出从放按出外放游皆無拘檢之意故又訓傲釋詁云謔浪笑敖戲謔也舍人注敖意舒也詩鹿鳴傳敖遊也廣雅云敖戲也戲遊舒放俱與傲慢義近重文亦然故釋訓云敖敖傲也俗作遨

詩以敖以遊釋文敖本亦作遨莊子列禦寇篇釋文同幠者釋詁云大也有也皆與傲慢義近故又訓傲禮投壺云母幠母敖鄭注幠敖慢也通作幠詩亂如此幠箋幠敖也甚敖慢無法度也又通作荒荒怠亦傲慢故謚法云好樂怠政曰荒餘詳釋詁

幼鞠穉也

鞠子哀不念

說文云穉幼也方言云穉小也穉年小也通作稚方言注穉古稚字五經文字云穉字林作稚詩種穉菽麥說文作種穉未麥幼者說文云少也穉名云言生日少也曲禮云人生十年曰幼按十年者舉成數實則十五以前通曰幼故喪服注子幼謂年十五己下管子幼官篇注幼始也始穉義亦近也鞠者疏之段音也說文毓同育云養子使作善也是育訓養與穉義近故詩管管育恐育鞠鄭箋管育稚也廣雅云毓穉也通作鬻詩鬻子之閔斯傳鬻稚也文選洞簫賦注鬻育古字同又通作鞠鞠者下文云生也生

爾雅義疏

八

善義近故詩鴟鴞正義引爾雅作鸞雅也而云郭璞曰鞠一作毓證知爾雅古本作毓雅所引蓋郭音義亦通又通作粥即鸞字之省

逸魯過也

有逸罰則

過者說文云度也玉篇云越也因度越之義又為失因失之義又為誤也謬也皆展轉相生爾雅此義則主於謬失也逸者說文云失也失兼縱也放也逃也亾也諸義而俱名為過故周語引書盤庚曰國之不臧則惟余一人是有逸罰韋昭注逸過也文選答盧諶詩云逸珠盈碗李善注逸謂過於衆類通作佚公芋宜十二年傳合之還師而佚晉寇何休注佚猶過說文云佚佚民也論語微子篇作逸民又夷逸漢石經作夷佚又通作軼廣雅云軼過也一切經音義九云逸古文軼同又通作軼泐書誕淫厥泐史記魯世家作誕淫厥泐集解引馬融注紂大淫樂其逸書淫泐于匪彝釋文泐又作逸亦作佚又通作佚書大淫泐

有辭釋文泐又作侑馬本作肩云過也按肩从侑聲與逸音近今肩作肩音私列切其音遠矣又通作淫淫訓過度文選七發注引爾雅作淫過也淫逸聲相轉也魯者籀文愆字說文愆過也經典愆魯通用故詩不愆于儀禮縮衣作不魯于儀岷蕩釋文竝云愆本又作魯又通作逖說文逖過也又通作寒說文愆或不寒省諡法云寒過也詩不愆不忘春秋繁露作始詩注引詩作不愆不忘後漢書馬防傳注愆過也一切經音義三云愆古文寒逖二形玉篇云愆同寒俗

疑休戾也

戾止也疑者亦止

戾者釋詁云止也止亦定故詩傳竝云戾定也已詳釋詁疑者疑之假借也說文疑定也鄉射禮注疑止也士昏禮云婦疑立于席西注疑止吟詠立自定之貌是

爾雅義流上二釋言

疑俱兼止定二義
疑讀如仡然從於趙盾之仡是疑鄭讀為仡儀禮注
文竝云疑魚乙反此音是也爾雅釋文無音蓋讀如
字非矣此不知疑乃段借有休者釋詁云息也息亦
止詩民勞傳休
定也定即戾矣

疾齊壯也

壯者廣雅云健也健彊與疾速義近莊子徐无鬼篇云百工有器械之巧則壯釋文引李頤注壯猶疾也

通作莊莊訓嚴也嚴有急意故諡法云兵甲亟作曰壯亟猶急也詩君子偕老釋文莊本又作壯荀子非十二子篇注壯或當為莊公羊定八年傳矢箸于莊門釋文莊本或作嚴疾者釋詁云速疾也疾有急義亦有善義故後漢書傅毅傳注疾害也壯有盛義亦有傷義故易大壯馬融注壯傷也壯訓傷與疾訓害其義又同矣齊者釋詁云疾也故又為壯詩思齊大任傳齊莊也正義以為釋言文內則云進退周旋慎

齊注亦云齊莊也緇衣云心莊則體舒注莊齊莊也諡法云執心克莊曰齊是齊有莊義莊即壯矣

慄急也

皆急

急者說文云褊也釋名云急及也操切之使相逮及也然則急之為言猶汲汲矣慄者心之急也慄與亟音義同釋詁云亟疾也速也速疾皆急慄通作戒詩我是用急鹽鐵論繇役篇作我是用戒即戒也又通作革文選三國名臣序贊注引蒼頡篇曰革戒也戒亦慄也戒俱慄字之省釋文慄或音戒非矣又通作棘詩棘人欒欒兮毛傳棘急也正義引釋言文棘人崔靈恩集注作慄人皆其證也褊者衣之急也賈子道術篇云包衆容易謂之褊反褊為褊詩維是褊心按褊裕俱从衣說文別有褊字从心云褊急也然經典俱不用

賈賈市也

詩曰抱布賈絲

詩東門之粉正義引風俗通云市恃也養贍老少恃以不匱也說文云市買賣所之也按市兼買賣二義齊策云竊以為君市義此以買為市也越語云又身與之市此以賣為市也故史記項羽紀集解云市賈易也周禮司市注市者人之所交利皆其義也賈者說文云賈財也一切經音義六引三蒼云賈易也交賈物為賈也聲轉為買故下文云賈買也詩氓傳用下文實則買亦為市故說文云買市也賈者說文云賈市也一日坐賣售也白虎通云賈之為言固也固其有用之物以待民來以求其利者也行曰商止曰賈然則居處賣貨物曰賈故逸周書命訓篇云極賞則民賈其上孔晁注賈賣也左氏桓十年傳若之何其以賈害也成二年傳欲勇者賈余餘勇杜預注並云賈買也是賈亦兼買賣二義通作沽論語云求善賈而賈諸漢石經賈作沽沽依正文當為及說文云秦以市買多得為及即沽矣

扉陋隱也

禮記曰扉用席書曰揚側陋

隱者釋詁云微也說文云蔽也通作屮玉篇云屮古文隱字說文云匿也象屮曲隱蔽形讀若隱是隱屮同扉者說文云隱也士虞禮及有司徹俱云扉用席特特饋會云扉用筵鄭注並云扉隱也通作隄釋文扉符沸反字又作隄同楚辭湘君篇云隱思君兮隄側王逸注隄陋也又通作第有司徹注古文扉作第按第訓蔽與隱同義第扉又一聲之轉陋者說文云隄陝也隄陝亦隱蔽之義荀子修身篇云少見曰陋通作漏詩尚不愧于屋漏鄭箋漏隱也正義云釋言文

遏逦逮也

東齊曰遏北燕

釋詁云逮與也此篇下云逮及也通作逮與隸說文並云逮及也遏逦者方言七云喝噬逮也喝噬與遏逦並字之段音證以易之噬嗑會相逮也噬嗑倒轉即遏逦矣玉篇云迨逦行相及也迨逦即遏逦矣左氏莊六年傳若不早圖後君噬齊即逦逮矣杜預注若齧腹齊此為望文生義凡俗聲之字不論其

義但取其警皆此類也過又通作曷詩曷云能穀傳
曷逮也正義云釋言文選又通作逝詩逝不古處噬
肯適我傳竝云逮也釋文
引韓詩噬作逝逝及也

征邁行也

詩曰王于邁亦行

行者說文云人之步趨也从彳从彳釋名云兩腳進
曰行行抗也抗足而前也按行訓步趨故去也之也
往也還也皆行之義也行由道路故釋宮云行道也
又云堂上謂之行皆緣步趨之義而生也征者說文
作廷或征云正行也通作廷云行也漢書武帝紀征
和功臣表俱作廷和顏師古曰廷亦征字也征訓行
故宵征即宵行征夫即行人征伐亦即行伐也征之
言正故管子心術下篇云行人者正之義也邁者說文
云遠行也故于邁即往行時邁
即時行邁又往也與行訓往同

圯敗覆也

謂毀

覆者說文云更也更反覆也反覆即敗故王制云不
覆巢鄭注覆敗也敗亦毀故周禮誓族氏注覆猶毀
也然則覆舟覆車覆邦家其義皆為毀敗矣圯者釋
詁云毀也敗亦毀也毀亦覆也淮南說林篇云蘭芝
欲修而秋風敗之

葍原再也

易曰水葍至今

再者說文云一舉而兩也玉篇云兩也重也仍也葍
者說文云薦席也席下施薦與再義近左氏襄四年
傳戎狄葍居正義引服虔云葍草也孫炎云葍草生
之再也按葍又訓仍也重也通作薦詩饑饉薦臻傳
薦重也重即再矣原者文王世子云未有原周禮馬
質云禁原蠶者淮南泰族篇云原蠶一歲再收鄭注
及高誘注竝云原再也再亦重故漢書禮樂志及叔
孫通傳集注竝云原重也原或作廩釋文原舍人本
作廩郭義
本舍人

無救撫也

無憂無也 救義見書

撫者說文云安也一日循也古文作巡按巡無古字
通故撫作巡矣周禮大行人注撫猶安也禮文王世
子注撫猶有也亦有亦存恤之意與安義近通作拊說
文拊搯也拊猶撫循故荀子富國篇注拊與撫同
撫循慰悅之也爾雅釋訓釋文拊本亦作撫無者方
言云哀也說文云憂也並與撫循義近一日不動與
安義又近矣通作攷說文云攷撫也从亾聲讀與撫
同又通作謀說文云謀撫也从某聲讀若侮按侮某
無亾古俱聲同聲轉之字與今讀異也救者說文云
撫也引周書曰亦未克救公功讀若弭或从人作侏
周禮小祝及男巫注並云救
安也書洛誥注亦至救安也

臞臞瘠也

齊人謂瘠 瘠者說文作臞云瘠也

瘠者說文作臞云瘠也一切經音義二云瘠古文瘠瘠瘠
文以為臞古文也

三形又通作柴易說卦云為瘠釋文瘠京荀作柴臞
者說文云少肉也史記司馬相如傳云形容甚臞索
隱引韋昭曰臞瘠也舍人曰臞瘦也文選謝靈運初
去郡詩注引爾雅舊注曰臞肉之瘦也通作瘠釋文
臞字又作瘠文選注臞與瘠同瘠者說文云齊人謂
臞臞也玉篇云齊人謂瘠腹為瘠按瘠腹之義玉篇
當有所本今驗蝮蝮之蟲腹甚瘠瘠廣雅謂之蝮蝮
博物志謂之蝮蝮與臞瘠瘠聲義正同臞瘠雙聲瘠
瘦也

梳頰充也

皆充 盛也

充者盈也滿也盈滿則實矣故小爾雅云充塞也竟
也塞竟即肥臍故方言云充養也養即長故說文云
充長也高也高即崇故釋詁云崇充也凡此諸義又
皆為充盛也梳者說文云充也通作充釋文梳孫作
充書充被四表傳云充充本爾雅為訓也淮南修務
篇云段干木充於德寡人充於勢亦以充為充也充

之為言廣也廣光聲同廣充義近故詩敬之傳光廣也水經濟水注云光里齊人言廣音與光同即春秋所謂守之廣里者也光通作橫橫廣俱從黃聲黃從光聲古讀橫廣竝如光故樂記云號以立橫孔子問居云以橫於天下鄭注竝云橫充也書之光被四表後漢書作橫被四表漢之橫門亦稱光門矣一切經音義十四云梳古文橫二形同音光是其證也類者釋詁云光也光類聲轉故其義同

屢暱亟也

亟者釋詁云疾也速也連亦數也言頻數也禮少儀云亟見曰朝夕吳語云而天祿亟至鄭注及韋昭注竝云亟數也方言云亟變也廣雅云亟敬也敬變亦緣亟數而生也屢者釋詁與亟俱訓疾屢屢字同故釋言釋文云婁本又作屢詩賓之初筵傳屢數也桓箋屢亟也正月及巧言箋又云屢數也亦通作數公羊宣十二年傳注屢往來為惡言釋文屢又作數音朔是數屢通暱者釋詁云近也暱訓親近與亟訓變

亟者釋詁云疾也速也連亦數也言頻數也禮少儀云亟見曰朝夕吳語云而天祿亟至鄭注及韋昭注竝云亟數也方言云亟變也廣雅云亟敬也敬變亦緣亟數而生也屢者釋詁與亟俱訓疾屢屢字同故釋言釋文云婁本又作屢詩賓之初筵傳屢數也桓箋屢亟也正月及巧言箋又云屢數也亦通作數公羊宣十二年傳注屢往來為惡言釋文屢又作數音朔是數屢通暱者釋詁云近也暱訓親近與亟訓變

敬義同

靡罔無也

無者說文作霖云亾也一切經音義六引聲類云無虛無也通作无易以无為無說文云奇字無通於无者虛無道也又通作亾古有無字俱作亾詩何有何亾論語亾而為有是也又通作母史記魯世家引書無逸作母逸漢書車千秋傳引無偏無黨作母偏母黨是也靡者細也小也皆與無義近又訓盡也空盡即虛無故詩靡日不思之歎矢靡他箋傳竝云靡無也罔者从亾亾亦無易君子用罔馬融王肅注竝云罔无也書罔水行舟史記夏紀作母水行舟罔有攸救殷紀作無有攸救罔古讀如莽無古讀如模靡罔無俱一聲之轉小爾雅云勿蔑微罔皆一義也蔑以言無有曰沒有或曰未有亦曰靡有皆一義也蔑以加言無以加也微管仲言無管仲也微古讀如眉勿古讀如沒是勿微曼末亦靡罔之聲轉

爽差也爽忒也

皆謂用心差

差者說文作𠄎云忒也段氏注忒作忒按籀文𠄎从
 二二謂心不一也士或二其德所以過差也故參
 差之字从二三太玄廓云或生之差范望注差過差
 也爽者說文云明也从發勛凡二爻也二不專一故
 又訓差詩女也不爽其德不爽傳並云爽差也方言
 云爽過也過亦差諡法云爽傷也傷敗亦過差也書
 云惟事其爽侮老子云五味令人口爽列子黃帝篇
 云昏然五情爽惑竝以爽為差也周語云實有爽德
 又云言爽日反其信韋昭注竝云爽忒也依段注忒
 亦忒矣爽又訓忒者忒亦差也廣異訓耳老子云常
 德不忒釋文引顧云忒爽也漢書賈誼傳注爽忒也
 忒說文作忒云失常也通作忒云更也更變亦失常
 故詩鞫人枝忒享祀不忒傳箋竝云忒變也正義俱
 引孫炎曰忒變雜不一不一即貳貳即差矣爾雅釋
 文忒或作忒是忒忒通又通作貸易豫釋文忒京本
 作貸月令云宿離不貸又云無或差貸呂覽貸俱作

佻貳也

佻次為副貳

貳又通作貨書云衍忒史記宋世家作衍貨又通作
 貳禮緇衣引詩其儀不忒釋文忒本或作貳音二
 貳者說文云副益也周禮道僕掌貳車王制七十有
 貳膳孟子館甥於貳室竝以貳為副也貳又代也相
 更代亦為副益也佻者說文云佻也佻亦次故文選
 報任少卿書注引如淳曰佻次也詩決拾既次周禮
 繕人注作挾拾既次飲又代也與貳同義佻
 之為言猶亞也亞次也亞佻之聲又相轉

劑剪齊也

刀為劑刀

齊者斷也既夕記云馬不齊鬣鄭注齊剪也剪斷其
 義同劑者說文云齊也玉篇云剪齊也太玄永云其
 命劑也范望注劑剪絕也周禮小宰云聽賣買以質
 劑鄭注質劑謂兩書一札同而別之皆今之券書也
 是亦取齊斷為義也剪者說文作崩云齊斷也通作
 剪詩實始剪商毛傳剪齊也鄭箋剪斷也莊子人間

世篇云且幾有翦平釋文翦崔本作前是前翦通又
通作戩說文引詩翦作戩云滅也滅亦斷絕之義故
周禮序官翦氏注翦斷滅之言也郭云南方人呼翦
刀為劑刀者劑翦聲轉釋文劑即隨反釋名云翦刀
翦進也所翦稍進
前也翦俗作剪

饋餼稔也

今呼餼飯為
饋餼熟為餼

稔者餼之段音也說文餼大熟也又輒云會餼也引
易曰輒餼今易鼎文作亨餼方音云餼熟也通作臚
聘禮記云賜饗唯羹餼鄭注古文餼作臚詩楚茨傳
亨餼之也釋文餼本又作臚又通作稔稔穀熟也釋
文稔字又作餼詩洞酌釋文引爾雅正作餼說文亦
饋餼餼三字連文可證矣饋者說文作饜或作饋饜
云脩飯也郭云饜飯者釋文引蒼頡篇云饜饋也是
饜脩同又引字書云饋一蒸米玉篇云半蒸飯河酌
釋文引孫炎云蒸之曰饋均之曰饜然則饋者半蒸
之尙未熟故釋名云饋分也眾粒各自分也饜者說

文云飯氣蒸也詩正義引作飯氣流也蓋饋之為言
流也飯皆蒸熟則氣欲流故孫炎云均之曰饋郭云
饋熟為餼詩正義引作
飯均熟為餼義本孫炎

媵將送也

左傳曰以媵秦穆
姬詩曰遠于將之

送者說文云遣也从倂省籀文不省荀子富國篇云
送逆無禮楊倂注送致女是送以致為義故漢書會
貨志應劭注送致也媵者倂之段音也說文云倂送
也引呂不韋曰有侏氏以伊尹倂女通作媵後漢書
皇后紀注引孫炎曰送女曰媵按本解以送女為媵
經典凡送亦通曰媵故易象傳云媵送也方言云寄物
大射儀云媵觚于賓鄭注並云媵送也方音云寄物
為媵媵寄也又云媵託也託寄亦送致之義又通作
騰燕禮注今文媵皆作騰大射儀注古文媵皆作騰
公食大夫禮云眾媵皆作騰羞者鄭注騰當作媵
口說今作媵口說亦其證矣又通作揚檀弓云杜蕢
揚觶鄭注禮揚作媵揚舉也媵送也揚近得之鄉飲

酒義及射義揚解鄭注竝云今禮揚皆作騰燕禮騰
觚鄭注又云騰讀或為揚揚舉也然則揚騰聲轉騰
騰聲近騰揚之義又近揚舉與騰送義亦近矣將者
說文將扶也通作將詩我將箋將猶奉也聘禮記注
將猶致也義皆為送故詩百兩將之周禮小宰裸將
之事傳注竝云將送也詩燕箋將亦送也傳云將
行也行與送義相成凡送兼行而言故公羊文十五
年傳筍將而來也蓋言篋與行而送來也又凡將事
將命亦言銜命受事行而傳送之也故
詩敬之正義引孫炎曰將行之送也

作造為也

為者行也成也施也治也用也使也皆不出造作二
義造作為三字竝見詩緇衣篇為與偽古通用凡非
天性而人所造作者皆偽也偽即為矣作者說文云
起也起而動作即為之義書凡言作史記俱訓為
詩天作傳作生也駟傳作始也始與生亦皆為之
義也易離荀爽注作用也詩常武箋作行也周禮稻

人注作猶治也象胥注作使也諸義又皆為之訓也
作與詐古通用月令注作為為詐偽然則詐之通作
亦猶偽之通為作偽二字俱從人是皆人之所為矣
造者說文云就也就猶成也成亦為之訓也故詩小
子有造遭家不造傳竝云造為也尚無造傳又云造
偽也偽亦為也周禮膳夫及儀禮士冠禮記注竝云
造作也作亦為也按玉篇瓜部為下引
爾雅曰造作為也今本誤倒宜訂正

饗會也

開方言云陳楚之

會者釋名云會殖也所以自生殖也會與飯異故少
牢饋會云尸又會鄭注或言會或言飯會大名小數
日飯會與糧異故周禮廩人云則治其糧與其會鄭
注行道曰糧謂糲也止居曰會謂米也然則會兼乾
濡二義爾雅之會亦兼二名也饗者方言云會也陳
楚之內相謁而會麥饗謂之饗郭注饗糜也音旃是
饗為濡會說文云饗也則亦為乾會矣麥饗者荀子
富國篇云夏日則與之瓜楚虬舉一切經音義十三

引字書曰楚麥甘粥也蒼頡篇云煮麥也按今人煮
大麥為粥夏日食之解暑其遺象也餼者說文云乾
食也一切經音義七引字林云乾飯也飯會亦通名
耳故詩伐木傳餼會也公劉釋文餼字或作糗通作
糗書時乃糗糧說文引作時乃餼糧是餼糗通糗糗
也說文糗乾也糗熬米麥也按今時碎大麥為削芻
會之謂為芻芻即乾餼矣釋名云餼候也候人
飢者以會之也餼善止飢夏月會之又解暑

鞫究窮也

也皆窮盡也見詩

窮者說文云極也小爾雅云竟也竟極聲轉義同又
訓終也已也窘也困也諸義又皆為盡也鞫者窾之
段音也說文云窾窮也从鞫聲窾與鞫同鞫窮理罪
人也楚辭天問篇云皆歸歟鞫王逸注鞫窮也通作
鞫詩谷風傳及雲漢瞻印箋竝云鞫窮也公劉傳鞫
究也究亦窮也又通作鞫爾雅釋文鞫字又作鞫詩
南山及小弁傳竝云鞫窮也南山及節南山箋傳竝
本釋詁云鞫盈也盈與窮亦義相成也究者詩鴻鴈

及蕩傳節南山箋竝云究窮也常棣傳究深也深亦
窮也逸周書文酌篇云維有永究孔晁注究終也究
亦窮也究又畢也盡也竟也極也皆窮之訓也究聲
與九近陽窮於九故列子天瑞篇云九變者究也究
鞫窮俱一聲之轉

鹵矜鹹苦也

鹵苦地也可矜憐者

苦者對甘而言月令云苦雨數來苦雨亦對甘雨而
言也釋名云苦吐也人所吐也書炎上作苦苦聲近
鹽鹽苦鹽也周禮鹽人云祭其苦鹽杜子春讀
苦為鹽是鹽苦通矣鹵者說文作鹵云西方鹹地也
東方謂之廣西謂之鹵玉篇作鹵云苦地也引書
海濱廣鹵易說卦云為鹵鹵釋名云地不生草木其
鹵爐也如爐火處也然則鹵之地不生草木其土
苦惡故曰苦矣矜者釋訓憐也矜憐古音疊韻矜本
作矜从令得聲令古讀如憐也矜訓苦者苦味近辛
故言辛苦愁苦悲辛皆可矜憐然則苦有二義味苦

爾雅義疏二二釋言

曰苦矜憐其苦亦為苦也詩爰及矜人毛傳矜憐也
居以凶矜傳矜危也危苦義近爾雅釋文矜作齡玉
篇齡苦也按齡字非郭義蓋俗作耳鹹者說文云銜
也北方味也書潤下作鹹鹹極必苦故淮南墜形篇
云鍊苦生鹹今驗海水鹹煮鹽味苦是其證矣

干流求也

詩曰左

流覃也覃延也

皆謂蔓延

求者玉篇云用也見也索也曲禮注求猶務也檀弓
注求猶索物學記注求謂招來也穀梁定元年傳求
者請也按祈請並訓求說文祈求福也求祈聲轉故
祈福即求福祈雨即求雨矣干者說文犯也犯與求
其義相反而相近故詩旱麓及假樂傳箋竝云干求
也小爾雅云干得也得又緣求而生也通作奸漢書
孔光及黃霸傳注竝云奸求也奸干俱訓犯古字通
用故左氏成十六年傳奸時以動釋文奸本或作干
是其證矣流者釋詁云擇也擇與求義近故詩關雎
傳流求也流求壘韻又流動延移亦會旁求之意故

佻儉也

且謂苟

訓求矣流又訓覃者說文云聾長味也是覃有長義
覃與尋同尋亦訓長故方言云尋長也釋文覃本又
作尋字孫叔然云古覃字同按尋即尋字孫炎以為
古覃字者古讀覃尋聲近釋草之葍蒨藩孫炎以為
古薄字亦其證也然則覃尋竝訓長故釋詁云延長之義
故又訓覃矣覃又訓延者延亦長故釋詁云延長也
郭云蔓延相被及者蓋覃有延義延移亦相被及故
詩葛覃傳覃延也施移也又流亦有移義故考工記
弓人及禮中庸注竝云流猶移也然則流覃延三字轉相訓其義同

儉者說文作儉云薄也大司徒云以俗敦安則民不
儉鄭注儉謂朝不謀夕通作儉表記云安肆日儉鄭
注儉苟且也左氏昭十年正義引孫炎亦曰儉苟且
也皆郭所本儉又單訓苟故晉語云人孰儉生韋昭
注儉苟也佻者說文云佻也引詩視民不佻通作佻
今詩作視民不佻毛傳佻儉也玉篇引爾雅亦作佻

爾雅釋詁二二釋言

二

偷也今爾雅仍作佻故左氏昭十年傳佻之謂甚矣
正義引李巡曰佻佻薄之偷也周語云而卻至佻天
之功以爲己力韋昭注佻佻也按佻猶佻也佻佻皆
輕也輕薄義近佻佻俱聲相轉佻通作嬈詩佻佻
公子韓詩作嬈嬈公子

潛淡也潛淡測也

測亦水淡之別名

淡者玉篇云邃也遠也考工記梓人注淡猶藏也藏
伏即潛之訓也潛者說文云藏也書之沈潛馬融注
潛伏也易之潛龍崔憬曰潛隱也方言云潛也
隱伏藏其義又皆爲淡故後漢書班彪傳注潛淡也
方言又云潛沈也沈亦淡也沈淡潛測俱聲相轉也
潛淡又爲測者說文云測淡所至也淮南原道篇注
度淡曰測是測兼度淡及淡所至之名考工記弓人
云漆欲測測當訓淡漆有幽淡之意也淮南說林篇
云以篙測水篙終而以水爲測測亦當訓淡故郭注
注以測爲水淡之別名是矣高誘訓測爲盡鄭注訓

測爲清似失之

穀鞠生也

詩曰穀則異室

生者活也說文云進也象艸木生出土上文選魏都
賦注引劉熾易義云自無出有曰生周禮太宰注生
猶養也是生兼活也養也二義爾雅之生亦猶是矣
穀者釋詁云善也釋言云祿也善與生活義近祿與
生者義近故詩穀則異室自何能穀傳箋竝云穀生
也是皆以生活爲義也小弁蓼莪四月皆言民莫不
穀箋竝云穀養也是皆以爾雅穀蓋皆穀也穀字之訓二
義盡之今攷經傳參以爾雅穀生子曰乳是乳訓生
以明之說文云穀乳也人及鳥生子曰乳是乳訓生
穀訓乳左氏宣四年傳楚人謂乳穀穀即穀字故莊
卅年傳鬪穀於菟釋文引漢書敘傳穀作穀論語公
冶長篇集解姓鬪名穀釋文穀本又作穀是穀穀通
故荀子禮論篇云臧穀猶且羞之楊倞注孺子曰穀
或曰穀讀爲鬪穀於菟之穀穀乳也然則左傳乳穀

本作乳穀故荀子注及論語集解漢書敘傳竝作穀字而左宣四年釋文缺載其穀音奴口反此讀又失也穀穀二字竝古豆反與穀音近說文穀穀俱从設聲又云穀續也續亦相生之義矣鞠者上文云穉也穉養義近故詩蓼莪傳鞠養也通作育釋詁云育長也長養義皆為生又通作毓大司徒云以毓草木晉語云怨亂毓災注竝以毓為生也毓與鞠聲近義同故爾雅之鞠穉詩鴟鵂正義引郭璞曰鞠一作毓是毓鞠通

啜茹也

拾會

茹者說文云飶馬也玉篇云飯牛也而預而與而諸三切方言云茹會也吳越之間凡貪飲會者謂之茹郭注今俗呼能羸會者為茹漢書集注會菜曰茹是茹為人會之通名說文玉篇但云飶馬飯牛義未備也證以詩言柔則茹之又禮運云茹毛孟子云茹草莊子云不茹葷竝以茹為會也蓋雲翔為余言今菜

陽人謂牛噉長草曰茹人噉生菜連莖葉吞之亦曰茹然則茹為吞咽之名方言謂之貪會郭注謂之羸會其義與今俗語同矣噉者說文云嘗也釋名云噉絕也乍噉而絕於口也然則噉但訓會郭云拾會者蓋取掇拾為義非爾雅之惜也知者左氏定四年正義引舍人曰噉茹會也是噉訓茹茹訓會趙岐孟子注以噉兼飲言亦非今閩粵人謂喫為噉登萊人謂喫為撮撮與噉俱噉聲之轉

茹虞度也

皆測度也詩

度者釋詁云謀也度本丈尺之名詩子付度之付即寸寸度言若以尺寸量度之也左氏昭廿八年傳心能制義曰度賈子道術篇云以人自觀謂之度皆寸度之義也茹者釋詁云如茹同詩不可以茹攬狁匪茹來咨來茹傳箋竝云茹度也虞者詩有虞殷自天無貳無虞傳箋竝云虞度也晉語注虞備也太玄玄瑩注虞憂也憂與備其義亦皆為度矣

試式用也

見詩書

用者說文云可施行也方言云行也行與由同由亦用也小大由之言小女用之也一切經音義七引蒼頡篇云用也以亦用也雖不吾以言雖不吾用也通作庸說文云庸用也書五刑五用哉後漢書梁統傳作五刑五庸哉試者說文云用也引虞書曰明試以功試又嘗也驗也其義亦皆為用故詩師干之試論語吾不試傳注並云試用也式者說文云法也法制人所用故法庸釋詁並訓常庸即用也言常用也詩式微式微式微式夷式已傳並云式用也秦策云式於政不式於勇高誘注亦云式用也方言云由式也然則式亦由也

誥誓謹也

皆所以約勤謹戒眾

謹者慎也亦通作慎詩謹爾侯度左氏襄廿二年傳作慎爾侯度謹與誠同義說文云誠敕也誠謹一聲

競逐彊也

皆自強勉

之轉誥者釋詁云告也荀子大略篇云誥誓不及五帝楊倞注誥誓以言辭相誠約也漢書刑法志注誥並云誥謹也刑法志注誥字或作誥是誥誥通誓者說文云約束也釋名云誓制也以拘制之也拘制約束皆所以為謹敕也故曲禮云約信曰誓文王世子云曲藝皆誓之鄭注誓謹也皆使謹習其事大戴禮子張問入官篇云故儀不正則民失誓盧辯注誓敕也敕亦謹也大射儀注

彊者說文云弓有力也釋名云彊置也通作強釋詁云強勤也學記云知困然後能自強也鄭注自強修業不敢倦法言五百篇云或性或強李軌注強者習學以至也競者說文云彊語也一日逐也从競從二人故訓逐也詩桑柔烈文傳及抑執競箋並云競彊也職競用

力不競不綵箋又云競逐也淮南原道及傲真篇注亦云競逐也呂覽分職篇注競進也進亦逐也離騷篇注競並也並亦疆也通作倮又通作勅說文並云疆也又通作僥周禮鍾師注引呂叔玉云繫遏執僥也即執競之異文又通作竟逸周書度訓篇云揚舉力竟即力競也史記篇云竟進爭權即競進也水經江水注引之蓋僥省作竟非誤也今或改逸周書為競則非矣逐者說文云追也追逐也逐與競同意故左氏昭元年傳諸侯逐進杜預注逐猶競也漢書五行志晉灼注競走日逐後漢書馮異傳注逐爭也爭亦競矣

禦圍禁也 禁制

禁者說文云吉凶之忌也玉篇云止也錮也呂覽離謂篇注禁法也淮南汜論篇注禁戒也戒與法亦止之義也禦者玉篇云禁也又當也小爾雅云抗也抗與當皆禁止之義文選西京賦云禁禦不若是禦亦

禁也禦與籓同說文云籓禁苑也引春秋傳澤之自籓籓或作舛按左氏昭廿年傳澤之萑蒲舟鮫守之舟鮫即舟舛之譌說文自籓亦舟籓之譌也通作御釋文禦本或作御詩亦以御冬毛傳御禦也言御禦同以禦亂兮大射儀注作以御亂兮又通作敵說文云敵禁也一曰樂器釋名云敵衙也衙止也所以樂也一切經音義一云禦古文敵衙也衙所以田僕注衙還之使不出圍釋文衙本又作御石門頌云紱億衙疆即禦疆也北海相景君碑云強衙改節即疆禦也圍者逸周書寶典篇云不圍我哉孔晁注圍禁也諡法篇云威德剛武曰圍孔注圍禦也亂患也一切經音義九引舍人曰禦圍未有而預防之也防亦禁止之義通作禦詩會是疆禦漢書敘傳作會是疆圍不畏疆禦王莽傳作不畏疆圍孔棘我圍鄭箋圍當作禦管子輕重甲篇云守圍之國用鹽獨甚尹知章注圍與禦同又通作御詩我居圍卒荒韓詩外傳作我居御卒荒又通作御樂記注謂祝圍也釋文圍本作敵又通作圍說文云圍所以拘罪

人今作囹圄玉
篇云囹圄禁囚也

窒

謂塞孔穴

塞者窳之段俗也說文云窳窳也通作塞既夕記云
璜塞耳鄭注塞充窳詩定之方中箋及祭義注竝云
塞充滿也又通作塞說文云窳窳也引虞書曰剛而
窳今書作塞中庸云不變塞焉鄭注塞猶實實與充
滿義近也按塞說文作窳云窳也又蘇得切實也滿也蔽
之故玉篇云塞蘇代切隔也又蘇得切實也滿也蔽
也皆其義也室者詩七月及東山傳箋竝云室塞也
廣雅云室滿也論語云惡果敢而室者鄭注魯讀室
為室今從古按室說文云實也實即塞之訓也實室
室三字聲近義通一切經音義九云室古文憤同憤
訓止與塞義亦近矣蕪者說文云瘞也瘞蘿互訓義
俱為塞故詩傳以塞為瘞爾雅以蕪為塞也通作瘞
周禮大宗伯以狸沈祭山林川澤即爾雅之釋天云
祭地曰瘞蕪也又通作埋詩鳧鷖箋有瘞埋之象釋

文埋字亦作蕪祭法云
瘞埋於泰折祭地也

黼黻

黼文如斧黻文如兩己相背

說文彰文彰也廣雅云彰明也通作章書彰厥有常
史記夏紀作章其有常孝經云神明章矣釋文章本
又作彰推是而言如考工記畫績之事云雜四時五
色之位以章之鄭注章明也周語云其飾彌章韋昭
注章著也鄭語云其子孫未嘗不章韋注章顯也凡
此皆以章為彰也黼黻者說文云黼白與黑相次文
黻黑與青相次文本考工記為說也而不言所象為
何物爾雅釋器但云斧謂之黼於黻字仍無說書益
稷傳及左氏桓二年注郭氏此注竝云黻兩己相背
唯漢書韋賢傳集注絨畫為亞文亞古弗字也與舊
說異阮雲臺師曰自古畫黻作亞形明兩弓相背非
兩己相背也兩弓相背義取于物與斧同類兩己之
已何物耶得非兩弓相背之誤與漢書師古注黻畫
為亞文亞古弗字始通皆本漢書亞此語必有師傳非

爾雅釋詁上二釋言

三

師古所創云云今按以音義推之黼从甫聲其訓為斧黻从友聲其訓為弗又兩弓相並為弣兩弓相背為亞似有意義釋文黼黻或作黼黻又云黻戾也戾即弗字之意師古之說蓋有徵矣黼黻訓彰者荀子富國及禮論篇並云黼黻文章章即彰矣書益稷言黼黻又言彰施亦此義

鷹身親也

謂躬親

親者說文云至也祭義云其親也慤鄭注親謂身親又云如親聽命其義亦同文王世子注親猶自也公羊莊卅二年傳注親躬親也通作親說文云親至也汗簡云親出尚書是親古親字矣鷹者說文云智也智與躬身義近故並訓親少儀云執箕鷹搗鄭注鷹親也通作應釋詁云應當也當與親義亦近應从心與鷹从肉其義又近也身者說文云躬也躬身互訓其義同詩云弗躬弗親呂覽孟春紀注躬親也士昏禮記注躬猶親也樂記注躬猶己也己即身釋詁云身我也已與我皆親之之詞亦即身訓親之義也

愷悌發也

發發行也詩曰齊子愷悌

發者廣雅云開也釋名云發撥也撥使開也開則明故詩長發釋文撥韓詩作發發明也論語亦足以發不悌不發發俱訓明發又進也行也詩履我發兮遂視既發傳箋並云發行也爾雅之發則以開明為義不兼行進為義也愷悌者闔圍之段音也說文云闔開也廣雅云闔明也圍者說文引尚書曰圍圍升雲半有半無讀若驛今書洪範即作曰驛古文本作曰圍史記集解引鄭注曰圍者色澤而光明也是圍訓明曰圍宋世家作曰涕聲之段俗故詩齊子豈弟箋云豈讀當為闔弟古文尚書以弟為圍圍明也正義引舍人李巡孫炎郭璞皆云闔明發行是諸家並以闔明訓豈弟與鄭義同唯以發為發行則異今郭注但有發行之文而無闔明之語以校正義所引蓋有缺脫矣愷悌訓發者愷悌即豈弟經典豈弟訓樂易此訓闔明蓋經師舊說相傳謂然故鄭箋云此豈弟猶言發夕也然則發訓明不訓行發夕猶旦夕也釋

文引韓詩云發且也且亦明也故說文引禮且明
五通為發明詩小宛又云明發其實皆一義耳

髦士官也

取俊士
合居官

官者說文云吏事君也玉篇云宦也古微書引春秋
元命苞云官之為言宣也周禮宰夫云掌小官之戒
令鄭注小官士也士相見禮注居官謂士以下祭法
注官師中士下士然則官為總名也髦士者釋文云
毛中之長豪曰髦士之俊傑者俗譽為名是髦士為
俊選之嘉稱故下文云髦選也俊也選士俊士司馬
辨論官材論定然後官之故曰官也

駿農夫也

今之嗇
夫是也

農者一切經音義引說文云農耕人也今本脫人字
春秋繁露云農者民也莊子讓王篇釋文引李頤云
農農人也爾雅之農夫則謂農官耳駿者說文云農
夫也本爾雅駿不言田省文也農不言大夫亦省文

也實則田駿是官名大夫是爵號故詩田駿至喜毛
傳田駿田大夫也田大夫即農大夫或疑爾雅農夫
之間當脫大字據周語云命農大夫咸戒農用韋昭
注農大夫田駿也以此為證今謂不然古人文字不
拘故有稱農父者書酒誥是也亦有稱農夫者爾雅是
也有稱農父者書酒誥是也亦有稱農正者周語云
農正再之韋昭注農正后稷之佐田駿也亦有單稱
農者郊特牲云饗農鄭注農田駿也是皆農不必稱
大夫之證猶之田舍東郊鄭注田謂田駿主農之官
稱田月令云命田舍東郊鄭注田謂田駿主農之官
是也是又田駿二字不必兼稱之證然則田駿即農
官故詩七月正義引孫炎曰農夫田官也郭云今之
嗇夫者詩甫田箋田駿司嗇今之嗇夫也是郭所本
嗇夫者漢書百官公卿表及晉書百官志具有其文

蓋割裂也

蓋未
詳

裂者與列同說文列分解也廣雅云裂分也內則云
衣裳綻裂釋文裂本又作列莊子天下篇云道術將

為天下裂是裂列俱以分解為義也蓋者釋文云古
 害反舍人本作害是害蓋通又與割同割者害也釋
 名云害割也如割削物也說文云割剝也从害聲故
 割與害同又與蓋同見禮記緇衣注是蓋割害三字
 以聲為義也阮雲臺師曰害曷蓋未未古音皆相近
 每加偏旁互相段俗若以為正字則失之書呂荆云
 鰥寡無蓋蓋即害字之俗言堯時鰥寡無害也孟子
 謀蓋都君兼言井廩亦當訓害也害字與割音義最
 近書堯典洪水方割大誥天降割之類皆害字之俗
 也害字與蓋亦近爾雅釋文蓋舍人本作害書君奭
 云割申勸寧王之德鄭氏緇衣注割之言蓋是也益
 與曷同音故孟子時日害巷害即曷也蓋與未未亦
 最近故公羊襄廿七年傳曰昧雉彼視何休注
 昧割也邵公之意若曰有渝盟者視此割雉也

豈支載也

皆方俗語

載者說文云乘也釋名云戴也戴在其上也通作戴
 詩載弁侏侏此篇下文郭注引作戴弁侏侏豈者釋

文云又作擁邢疏引謝氏云豈字又作擁釋云擁者
 護之載也支者邵氏正義云支與楛通楛柱所以承
 載詳見下文

謹諉累也

以事相屬

累者說文作纍云綴得理也玉篇云纍力佳切繫也
 又力偽切延及也累同纍是纍為正體隸省作累今
 讀累力偽切纍力佳切以為二字非矣釋文累本又
 作纍字又作紮是紮纍又通矣諉諉者說文云諉諉
 纍也諉纍也是諉諉連文及單文俱訓纍也釋文引
 孫炎云楚人曰諉秦人曰諉是諉諉疊韻二字義同
 玉篇云諉託也漢書賈誼傳注引蔡謨曰諉
 者託也是諉諉並訓託屬託與屬累義亦同

漠察清也

皆清

清者說文云服也澂水之兒文選思玄賦云懲澳忍
 而為清舊注清靜也易彖上傳虞翻注清猶明也是

清兼明靜二義靜猶淨也方言云清急也急猶激也故方言又云激清矣漢書賈誼傳注漠靜也是漠為靜云漠然清貌音莫漢書賈誼傳注漠靜也是漠為靜之清矣察者審之清也釋詁云察審也禮器注察猶明也老子云俗人察察河上公注察察急且疾也又與清急義合

庇廡也

今俗語呼樹廡為庇

廡者蔭之或體也說文蔭艸陰地玉篇引作草蔭地也是蔭从艸其實樹木之蔭亦謂之蔭故淮南說林篇云蔭不祥之木人間篇云蔭暘人於樾下皆以樹陰為蔭也通作陰詩既之陰女箋以陰為覆陰釋文陰鄭音蔭覆蔭也左氏昭元年傳趙孟視蔭釋文蔭本亦作陰又通作廡爾雅釋文廡字亦作蔭詩雲漢釋文蔭本亦作廡庇者說文云蔭也表記注及考工記輪人注竝云庇覆也覆亦蔭故一切經音義九引孫炎曰庇覆之廡也左氏文十七年正義引舍人曰庇蔽也蔽亦覆蔭也方言云庇寄也寄託義亦同也

通作芘雲漢釋文芘本亦作庇又通作庇周禮遂師釋文庇本又作庇麻者說文與休同云息止也从人依木釋詁云休息也左傳正義引舍人曰苾依止也止息義皆為蔭淮南精神篇云得苾越下高誘注苾蔭也三輔人謂休華樹下為苾也釋文麻字又作休按作休為正苾俗聲也

穀履祿也

書曰既富方穀

履禮也

禮可以履

祿者釋詁云福也廣雅云善也善與福同義周禮天府注祿之言穀也孝經注倉廩為祿是祿兼二義爾雅亦然也穀者上文云生也釋詁云善也善與祿義同生與養義近詩俾爾戩穀穀方有穀傳箋竝云穀祿也孟子穀祿不平趙岐注穀所以為祿也亦與此義合矣履者釋詁與禮竝云禮履也詩福履綏之傳履祿也履祿聲轉義同說文云禮履也所以事神致福也亦與此義合餘詳釋詁○履訓禮者祭義云禮者履此者也仲尼燕居云言而履之禮也坊記云履無咎言皆以履為禮也詩履我即兮率履不越傳竝

云履禮也郭云見易者序卦云履者禮也履禮疊
韵履祿雙聲故古皆以為訓履禮字通亦詳釋詁

隱占也

度隱

占者漢書陳遵傳云口占書吏集注占隱度也口隱
其辭以授吏也占音之瞻反敘傳云大臣名家皆占
數于長安集注占度也自隱度家之口數而著名籍
也然則占者億度之詞與占候之義亦近釋文無音
蓋讀如字玉篇占之鹽切候也候同亦隱度之言是
占亦不必音之瞻反矣隱者文選郭有道碑文注引
劉熙孟子注曰隱度也管子禁藏篇注亦同少儀云
隱情以虞鄭注隱意也管子禁藏篇注亦同少儀云
同億謂以意度之故禮運云非意之也鄭注意心所
無慮也無慮亦隱度之義然則意亦隱也隱意聲轉
字通故左氏昭十年經云季孫意如公羊作季孫隱如

逆迎也

釋詁云逐迎也迎者說文云逢也迎逐御俱音轉字
通已詳釋詁又與輅同左氏僖十五年傳輅秦伯宣
二年傳狂狡輅鄭人輅俱訓迎輅御又疊韵字矣逆
者逆之迎也逆本違逆之名而有逢迎之義故以逆
為迎考工記匠人云逆牆六分鄭注逆猶卻也齊策
云故專兵一志以逆秦高誘注逆拒也拒與迎義相
反者逆對順言故有拒意逆以迎言故有逢
遇之意詁訓有相反而相同者此類是也

僭會也

發語辭

會者說文云詞之舒也蓋會之言增增者重累故其
詞舒會猶嘗也凡言嘗如是者亦言會如是左氏昭
十二年傳注昆吾會居許地釋文會一本作嘗是嘗
會通會又訓乃趙岐孟子注何會猶何乃也僭者替
之段音也說文替會也引詩替不畏明通作僭詩民
勞節南山十月之交傳箋竝云僭會也又通作慘民
勞釋文慘本亦作僭左氏昭廿年傳作慘
不畏明釋文慘會也慘僭聲同僭會聲轉

爾雅義疏卷之二釋言

三

增益也

今江東通言增

益者說文云饒也玉篇云加也易繫辭云益德之裕也是益以增多增長為義也增者說文云益也廣雅云加也重也累也爾雅釋訓云增增眾也是皆增多增長之義通作會說文會部云會從曾省會益也詩曾孫篤之箋會猶重也離騷云曾欲歎余鬱邑兮王逸注會累也又通作層層重也魏大饗碑云蔭九增之華蓋增即層也又通作曾說文云曾加也又通作增禮運云夏則居檜巢釋文檜本又作增又作曾今按玉篇檜才陵子登二切即曾增之音檜巢與營窟對文檜亦重累之義然則檜依義當作增與曾段俗作檜耳

窶貧也

謂貧陋

貧者說文云財分少也莊子讓王篇云無財謂之貧是貧從財省會意說文從貝从分貝即財分即少矣

窶者說文云無禮居也詩北門傳窶者無禮也貧者困於財一切經音義一引蒼頡篇云無財曰貧無財備禮曰窶又引字書云窶空也類聚卅五引字林云窶貧空也按窶从婁聲婁訓空故以空言聲兼意也釋名云窶數猶局縮皆小意也小與貧近故荀子堯問篇有窶小之言小與空又與無禮居近也詩云終窶且貧是貧窶為二窶謂無財可以為禮貧并無以自給故言且以見意實則貧窶是一故書六極四曰貧不言窶從可知也

夔隱也

謂隱蔽

夔喑也

鳴喑短氣皆見詩

隱者釋詁云微也玉篇云不見也匿也皆藏伏翳蔽之義也夔者說文作夔云蔽不見也玉篇云隱也蔽也亦作夔華嚴經音義上引珠叢云夔蔽也離騷云眾夔然而蔽之方言注夔謂蔽夔也引詩夔而不見蓋夔而即夔然夔然又即隱然矣通作夔廣韻云夔隱也說文云仿佛也引詩夔而不見又通作夔今詩

爾雅義疏上二釋言

三

作夔而不見說者因以夔為可夔非也夔即儂之省
故廣雅云夔儂也詩夔莫助之傳夔隱也是其證○
吧者悒之或體也說文悒不安也文選長門賦云舒
息悒而增歎兮李善注悒於悒也一切經音義四引
蒼頡篇云悒悒不舒之貌也通作邑漢書成帝紀贊
云言之可為於邑集注於邑短氣貌文選與滿公玉
書云良增邑李善注邑邑不樂也又通作吧玉篇
云吧身合切嘔也引爾雅淮南覽冥篇云孟嘗君為
之增歎吧亦作吧高誘注歎吧失聲也按歎吧即於悒或
作嗚吧亦作吧吧字音小異耳於嗚聲同於悒又
即悒悒聲相變也儂者詩亦孔之儂傳儂吧正義引
孫炎曰心吧也荀子禮論篇云憚詭吧儂而不能無
時至勇楊倛注吧儂氣不舒憤鬱之貌然則吧儂即
儂吧也爾雅古本當作儂吧故孫炎云心吧從邑旁
心也詩正義據爾雅今本作儂吧故引孫炎云心吧
從邑旁口矣荀子今本亦作吧儂宋本則作悒儂可
證

基經也

基業所以

基設也

亦為

經者理也歷也考工記斲人注經亦謂順理也詩靈
臺傳經度之也楚語注經謂經度之立其基址也是
皆以理為義也釋名云經徑也小爾雅云經過也文
選魏都賦注直行為經是皆以歷為義也爾雅之經
主前義亦包後義也鬼谷子抵巇篇云經起秋豪之
末注云經始也始即基之訓也基者釋詁云始也謀
也俱與經理義近故賈子禮容篇云基者經也書周
公初基基謂經度之也正義引鄭注基訓為謀謀亦
經度之義詩經始靈臺經始即初基也周語云自后
稷之始基靖民始基亦即初基章昭注基訓為始非
也通作期士喪禮注古文基作期士虞禮記注古文
基皆作基按基說文作棋云復其時也然則基者周
而復始經亦其義矣基經雙聲○設者說文云施陳也
陳列施設俱與經理義近禮容篇
云基者勢也形勢與造設義亦近

祺祥也

謂徵

祺吉也

謂吉之先見

祥者釋詁云善也說文云福也賈子大政篇云祥者福之榮也按榮謂先見其徵應若草木之有華榮也亦福善之義也祺者士冠禮五行志云祥猶禎也禎吉也詩維周之禎傳禎祥也正義引釋言文是禎本作祺釋文亦作祺云祥也爾雅同故正義又引舍人曰祺福之祥某氏曰詩維周之祺糴祗禎定本集注祺字作禎釋文亦引徐云本又作禎與崔本同然則今詩作禎蓋據徐邈及崔靈恩集注所改釋文正義俱作禎今正義亦作禎則誤矣臧氏琳經義雜記十一云唐石經作禎故今本多作禎說文禎祥也崔益本此今注疏本作禎則非○吉者說文云善也釋名云實也有善實也文選東京賦注吉福也周禮大祝云吉祝鄭眾注祈福祥也然則吉包福善二義與祥同訓故逸周書武順篇云禮義順祥曰吉是吉即祥矣祺既訓祥又言吉者蓋祥之一字本兼吉凶二義書

兆域也

謂塋界

肇敏也

書曰肇牽車牛

序云毫有祥桑穀此以妖怪為祥也周語云襲于休祥此以福善為祥也故申釋之

域者說文作或云邦也或又從土玉篇云域居也封也詩蔽芾于域傳域營域也周禮典祀注域兆表之塋域廣雅云塋域葬地也按塋營通域本邦之界限不獨葬地有域故漢書禮樂志云躋之仁壽之域集注域界也是凡界稱域矣兆者兆之段俗也說文云兆畔也為四時界祭其中引周禮曰兆五帝於四郊通作兆今小宗伯兆作兆鄭注兆為壇之營域樂記云行其綴兆士喪禮云兆南北面鄭注竝云兆域也又通作肇書肇十有二州大傳作兆十有二州鄭注兆域也為營域以祭十二州之分星也詩以歸肇祀箋肇郊之神位也后稷肇祀表記作后稷兆祀鄭注兆四郊之祭處也詩肇域彼四海肇當作兆兆域正天下之經界○敏者說文云疾也肇者釋詁云謀也謀敏古音相近中庸人道敏政鄭注敏或為謀是謀

敬通詩肇敬戎公釋文引韓詩云肇長也長有敬意肇之言猶趙也穆天子傳云天子北征趙行郭注趙猶超騰也超騰與敬疾義近詩其鏘斯趙傳趙刺也按肇擊也擊刺與敬疾義又近

挾藏也

通言挾藏也

藏者懷也說文作襄云藏也學記云藏焉脩焉鄭注藏謂懷抱之按藏古書作臧後人通俗為藏耳挾者說文云俾持也玉篇云懷也持也廣韻云藏也護也漢書惠帝紀云除挾書律應劭注挾藏也通作俠說文云襄俠也襄俠猶襄藏左氏隱九年經云挾卒公穀作俠卒是俠挾通又與匣同匣或作篋說文云匣藏也○徹者說文云通也小爾雅云達也爾雅釋訓注徹亦道也道達義俱為通也澁者古無正文借挾與接為之接亦通達之義故小爾雅云接達也廣雅云接徧也周徧亦霑洽之義此皆以接為澁也以挾為澁者詩使不挾四方毛傳挾達也釋文挾子協反周禮大宰及大司馬竝云挾日而斂之釋文挾子協反

反字又作澁越語云澁日而令大夫朝之韋昭注從甲至甲曰澁澁市也淮南原道篇云不澁于骨髓高誘注澁通也漢書禮樂志云於是教化澁洽集注澁徹也唯荀子書澁俱作挾儒效篇云盡善挾洽之謂神挾洽即澁洽也禮論篇云方皇周挾周挾即周澁也故楊倞注竝云挾讀為澁與詩及周禮合為宅書所未見

普廢也

普滅也

廢者釋詁云舍也舍謂廢置不用故又訓還也罷也止也已詳釋詁普者說文云廢一偏下也通作替詩勿替引之胡不自替離騷云謇朝諝而夕替毛傳及王逸注竝云替廢也晉語云薦可而替否韋昭注替去也去亦廢故一切經音義九引李巡曰替去之廢也釋詁云替止也止亦廢又云替待也待亦止之廢也滅者釋詁云盡也絕也晉語注滅除也除去與廢止義近替又訓滅者魯語云令德替矣晉語云君之

爾雅義疏上二釋言

冢嗣其替平韋昭
注竝云替滅也

速徵也徵召也

易曰不速之客

徵者求也說文云召也召求義近呂覽達鬱篇云桓公樂之而徵燭漢書五行志云徵襄與禰高誘注及顏師古集注竝云徵求也速者疾之徵也文選思玄賦云速燭龍合執炬兮舊注速徵也徵亦召故詩何以速我獄以速諸父傳竝云徵召也鄉飲酒及鄉射禮速賓注同召者說文云評也呂覽分職篇云合召客者酒酣高誘注召請也請猶徵也經典徵訓召者周禮司市云成賈而徵債縣正云縣之政令徵比典祀云徵役于司隸及鄉飲酒鄉射禮云徵唯所欲鄭注竝云徵召也凡左傳徵會徵聘徵師之類其義亦同召猶招也說文招手呼也偁譌然則召以口評招以手評故楚辭招魂序云以手曰招以言曰召詩匏有苦葉傳招招號召之貌號召亦評召也招又求也致也竝與召義同

琰寶也

詩曰來獻其琰

寶者說文云珍也珍寶也通作保又作葆易繫辭云聖人之大寶曰位釋文寶孟作保書無墜天之降寶命史記魯世家作無墜天之降葆命畱侯世家集解徐廣曰史記珍寶字皆作葆又通作宗亦作瑤書云陳寶說文引作陳宗寶器穆天子傳作瑤器矣琰者詩泮水傳寶也正義及釋文引舍人曰美寶曰琰莊氏述祖說琰字古無正文當依說文作珍余按琰字見詩與金相韻若作珍則失韻其說非也玉篇琰別作賤廣韻賤賚也與玉篇異文選思玄賦云獻環琰與琰縞兮舊注琰質也質與寶異琰質之訓與爾雅又並疑未

揆試也

刺揆嘗試

試者上文云用也此訓嘗試廣雅云試嘗也秦策云臣請試之高誘注試猶嘗視也然則易无妄云不可

試也試亦嘗矣釋文訓試為驗與嘗近嘗與用亦
 近矣揆者釋詰云取也又訓刺揆刺亦采取之義刺
 揆猶伺揆之言占也軍中閒謀用以揆取敵情謂之揆子
 然則揆之言占也試之言何也方言云占伺視也占
 與覘同伺與視同皆竊視之意試與弒古通用石經
 公羊燧碑云何隱爾試也試即弒矣白虎通云弒者
 試也釋名云弒伺也伺間而
 後得施也並與揆試義近而

髦選也

俊髦也
 士中之俊如
 髦中之髦

選者說文云擇也玉篇云數也廣雅云入也逸周書
 常訓篇云夫民羣居而無選孔晁注選行也漢書武
 帝紀云知言之選應劭注選善也然則選之言善謂
 德行道藝可入成均充選數故王制云命鄉論秀士
 升之司徒曰選士白虎通引禮別名記曰十人曰選
 言材過十人也髦者上文云髦士官也釋文毛中之
 長豪曰髦然則髦之言豪也
 選故選士曰髦士亦曰豪士矣
 俊者禮別名記曰

俾職也

使供

百人曰俊說文云俊材過千人為俊鵠冠子能天竺云德萬人
 注竝云材德過千人為俊鵠冠子能天竺云德萬人
 者謂之俊不同者百千萬難為數懸殊皆才德出
 眾之稱故書克明俊德鄭注俊德賢才人者是其
 義俱通矣王制云司徒論選士之秀者一升之學曰
 俊士通作儒左氏莊十一年傳得儒曰克釋文儒本
 或作俊髦又訓俊者詩甫田棫
 樸傳及士冠禮注竝云髦俊也

職者釋詰云主也周禮掌固云民皆有職焉鄭注職
 謂守與任考工記云國有六職百工與居一焉然則
 職不必居官也凡事也業也主者皆謂之職大宰以
 入職不任萬民任即任使之義也俾者釋詰云使也從
 也從順使令皆與職義近以從順為職職之卑者也
 引使令為職職之尊者通作比詩克順克比樂記
 曰比按比訓從則與俾同故古字通非誤也擇善從之

文唯燕禮注一見明其餘同是爾雅慄慄感即栗蹙故
鄭據以釋經郭氏緣詞生訓而云戰慄者憂感失之

矣今
訂正

蠲明也

蠲清貌

茅明也

左傳曰前茅慮無

明朗也

明者說文云照也周語注顯也祭義注明明猶潔也蠲者說文云馬蠲也引明堂月令曰腐艸為蠲今月令蠲作螢是蠲為蟲之明也方言云病愈或謂之蠲郭注蠲亦除也是蠲為除之明也周禮宮人云除其不蠲鄭注蠲猶潔也是蠲為潔之明也故書云不蠲烝左氏襄十四年傳云惠公蠲其大德馬融及杜預注竝云蠲明也爾雅邢疏引樊光云蠲除垢穢使令清明是樊注亦兼潔除為義矣通作圭詩吉蠲為饔韓圭云圭潔也孟子圭田注同然則圭蠲聲轉義同○茅者郭引左氏宣十二年傳云前茅慮無杜預注茅明也正義引舍人曰茅昧之明也杜注又引或曰時

楚以茅為旌識然則茅旌亦取顯明為義故朝會以茅莛表位祭祀用菁茅縮酒菁亦明也所以郊特牲云縮酌用茅明酌也是皆茅縮酒菁亦明之義也齊語云首戴茅蒲韋昭注茅或作萌按古讀明若芒萌亦若芒萌茅明竝雙聲字也○明訓朗者詩既醉傳朗明也左氏昭五年傳正義引樊光云高朗令終日月炎明楚語云其聖能充遠宣朗淮南原道篇云新而不朗韋昭及高誘注竝云朗明也

猷圖也

周官曰以猷圖畫

猷若也

詩曰寔命不猷

圖者釋詁云謀也廣雅云畫也周禮小宰鄭眾注圖地圖也按圖謂模寫其形象也猷者釋詁云謀也亦圖也猷與猶同詩猶之未遠傳猶圖也小旻白華抑訪落般箋竝同周禮凡以神仕者以猶鬼神示之居小行人云猶犯令者儒行云猶將不怠百姓之病也鄭注竝云猶圖也此皆圖謀郭引周禮作圖畫於義亦通○若者如也考工記梓人云母或若女不寧侯公羊莊四年傳則襄公得為若行乎鄭及何休注

竝云若如也若如古通用有司徹云若是以辯鄭注
今文若為如如若雙聲字也猷訓若者猷如釋詁竝
云謀也如即若也猷之為若亦如之為若也詩小
星鼓鐘傳竝云猶若也郊特牲云猶明清與醲酒於
舊澤之酒也內則云子弟猶歸器
鄭注竝云猶若也猶若亦雙聲字

稱舉也

爾書曰稱

稱好也

亦為好

舉者說文作舉从手與聲云對舉也則與昇同昇其
舉也舉與動義近故訓起也拔也用也行也又訓言
也雜記云過而舉君之諱則起鄭注舉猶言也按舉
訓言則與稱說同義又為銓衡之名小爾雅云兩有
半曰捷倍捷曰舉是舉與稱又俱為器名矣稱者再
之段借也說文云再并舉也通作稱說文稱揚也揚
亦舉故釋訓云稱稱舉也又通作稱書敢行稱贊禮
記殷紀作敢行舉亂士相見禮云間吾子稱贊聘禮
云賓稱面檀弓云言在不稱徵鄭注竝云稱舉也蓋
稱舉俱兼言行二義凡稱述稱道皆言之類也稱量

坎律銓也

易坎卦主法法律
皆所以銓量輕重

稱度皆行之類也舉義亦同。好者說文云美也徐
錯曰子者男子之美稱會意玉篇云好呼道切美也
又呼導切慶好也釋文亦兼二音與玉篇同以慶好
為義音詩好是正直箋好猶與也與即舉字之聲與
舉古字通也以美好為義者詩緇衣之好傳好猶宜
也宜即稱之訓也稱者漢書刑法志云一物失稱集
注稱宜也荀子禮論篇云貧富輕重皆有稱者也楊
倓注稱謂各當其宜按今俗語謂之廝稱亦謂之為
恰好故考工記輪人云欲其肉稱也鄭注肉稱弘殺
好也輿人云謂之參稱鄭注稱猶等也鄭注肉稱以等
為義稱等與物適平然後為好後世有稱又有等子
二者竝為衡器之名矣郭云物稱人意見亦為好者釋
文稱尺證反是矣然好字既兼二音稱字亦為好者釋
如祭義云國人稱願然好字幸哉有子如此是稱為嘉
美之詞又當音尺陵
反矣釋文蓋失之

銓者說文云衡也廣韻云量也次也度也文選文賦
 注引蒼頡篇曰銓稱也聲類曰銓所以稱物也廣雅
 稱謂之銓吳語云無以銓度天下之眾寡通作砵廣
 雅云砵度也廣韻砵同銓是矣坎者水也水主法者
 左氏宣十二年杜預注坎為法象說文云法刑也平
 之如水以水考工記輪人云水之以砥其平沈之均
 也權之以砥其輕重之侔也然則水主均平權知輕
 重水即坎也權亦銓也銓衡也所以取平故坎訓銓矣
 律者上文云述也釋詁云常也法律淮南覽冥篇注
 集解師坎下並引九家注坎為法律淮南覽冥篇注
 又云律度也蓋律度銓衡並主坎卦水也水性平律
 左宣十二年傳正義引樊光曰坎卦水也水性平律
 亦平銓也
 亦平也
 亦平也

矢誓也

誓相約

誓者上文云謹也說文云約束也釋名云誓制也以
 拘制之也曲禮云約信曰誓周禮典命注誓猶命也

大射儀注誓猶告也告命皆謂以言相約結信故易
 晉象傳虞翻注誓信也詩云信誓旦旦亦其義也矢
 者釋詁云陳也陳布與約信義近故論語夫子矢之
 釋文引孔鄭繆播皆云矢誓也蔡謨云矢陳也陳誓
 義近易晉象傳矢得勿恤集解引虞翻注矢古誓字
 然則矢誓古通用書云出矢言即出誓言矣釋文引
 馬融注以為盤
 庚誥誥誓義同

舫舟也

並兩

說文云舟船也釋名云船又曰舟言周流也通作周
 詩舟人之子箋舟當作周考工記總目云作舟以行
 水鄭注故書舟作周鄭眾云周當為舟漢修堯廟碑
 云委曲舟而韓勅後碑云舟口牆域並以舟為周周
 訓而徧與方訓苟行其義又同矣舫者方之段音也
 詩云不可泳思不可方思又云方之舟之泳之游之
 具有成文故爾雅此及下條分釋之蓋謂方本訓泅
 亦舟之類故即云方舟也泳本訓潛亦游之類故即

云泳游也此皆爾雅釋言之意郭氏未達以為竝兩
船者蓋據釋水之方舟為併兩船而欲移注此文不
思彼云大夫方舟則方舟二字連讀此加也字分釋
則別為兩義郭欲一之蓋為失矣通作舫文選贈蔡
子篤詩云舫舟翩翩李善注舫與方同按古讀方若
舫亦若舫釋水之方舟當讀若誦誦併聲轉也此文
當讀若舫舟周流舫行也
書方行天下即舫行也

泳游也

潛行游水底

游者汙之段音也說文云汙浮行水上也汙或从囚
聲作泗列子說符篇云人有濱河而居者習於水勇
於泗通作游禮緇衣云故大人不倡游言鄭注游猶
浮也列子黃帝篇云能游者可教也詩兼葭傳順流
而涉曰遡游周禮萍氏云禁川游者竝以游為浮水
之名也泳者釋水云潛行為泳郭注水底行也必知
泳為水底行者黃帝篇云彼中有寶珠泳可得也商
工開復從而泳之既出果得珠焉據開得珠不容浮

行水上故知泳為潛行水底也潛則非浮而云泳游
也者方言云潛沈也楚郢以南或曰潛潛又游也郭
注潛行水中亦為游此言與爾雅合矣說文又云古
或以汙為溲溲沈也讀若沫然則汙又為沒沒謂沈
入水中與潛行水底之義又合

迨及也

東齊曰迨

及者釋詁與逮俱云與也此篇下文又云逮及也逮
與迨同通作逮說文云逮及也又通作隸說文隸及
也引詩曰隸天之未陰雨今詩隸作迨標有梅匏有
苦葉伐木俱作迨字方言云迨迨及也東齊曰迨蓋隸
逮別作迨矣

冥幼也

幼稚者冥昧

幼者窈之段音也說文云窈溪遠也詩關雎傳窈窕
幽閒也窈窕疊韻窈之言幽幽窈窕雙聲也通作窈史

爾雅卷之二釋言

四

記項籍紀集解徐廣曰竊一作宵又通作杳文選西
 都賦云又杳窳而不見陽杳窳即窳窳也故李善注
 竊與杳同又通作幼竊从幼聲因省作幼故詩斯干
 釋文幼本或作窳正義云幼爾雅亦或作窳是窳為
 正體幼為俗聲大戴禮諸志篇云幽幼也亦以聲同
 為義郭注以幼稚為君蓋失之矣冥者說文云幽也
 幽亦幼故斯干傳冥幼也幼亦窳故正義引孫炎曰
 冥淡闇之窳也又引某氏曰詩噦噦其冥為冥窳於
 義實安然則毛傳之冥幼即冥窳審矣且冥窳連文
 經典非一老子云窳兮冥兮冥兮其中有精莊子在宥篇
 云至道之精窳窳冥冥而後未半皆爾雅冥窳之正文
 選魏都賦云雷雨窳冥冥而後未半皆爾雅冥窳之正文
 也文選無賦云獨馳思乎杳冥李善注杳冥謂遠而
 出冥也莊子逍遙遊篇釋文引爾雅冥窳之異文也史
 謂之冥說文云窳窳冥也皆爾雅冥窳之異文也史
 記司馬相如傳云紅杳渺以眩潛兮索隱引晉灼云
 杳渺淡遠楚辭湘君篇云美要眇兮空修王逸注要
 眇好貌按要眇即杳渺蓋意態淡遠之貌杳渺又即

窳冥冥杳
 一聲之轉

降下也

下降釋詁並云落也此云降下也轉相訓釋文降古
 巷反一音戶江反按降古戶紅反下戶古反降下一
 聲之轉

傭均也

等齊

均者釋詁云易也說文云平徧也按均之言勻也勻
 者所用以旋轉調勻故均又訓調也同也詩秉國之
 均此即借甸為言故毛傳均平也六轡既均亦借甸
 為比故傳云均調也通作鈞又通作甸甸亦徧也傭
 者說文云均也直也詩昊天不傭傳傭均也通作庸
 釋文傭韓詩作庸庸易也易亦均也公羊莊卅二年
 傳庸得若是乎何休注庸猶傭傭無節目之辭魏都
 賦云超百王之庸庸李善注庸謂凡常無奇異也是

庸有均義玉篇備恥恭切均也直也又音庸賃也備與鴻聲義近故考工記搏身而鴻鄭注鴻備也備亦均鄭意蓋以龍蛇之屬其身搏團前後均等故訓鴻為備義本爾雅

强暴也

强梁凌暴

暴者說文作暴云疾有所趨也玉篇作暴云暴猶耗也粹也今作暴穀梁宣二年傳而暴彈之范甯注暴殘暴通作醜釋文暴字又作醜同蒲報反周禮序官胥師注司醜禁暴亂文選蕪城賦注引字書云醜古文暴字强者一切經音義六引蒼頡篇云强健也健捷與猝暴義近通作彊詩蕩傳云彊禦彊梁禦善也彊梁即麤暴

窵肆也

輕窵者好放肆

肆力也

肆極力

肆者說文云極陳也陳之為言伸也伸有展放之意故肆又訓放也縱也縱有舒長之意故肆又訓長也

緩也緩長有直遂之意故肆又訓直也遂也是皆從陳義而生也凡陳設必有區域故縣鍾磬全為肆周禮小胥所言是也市廛貨物所居亦為肆論語百工居肆是也是又從陳義而推也窵者下文云間也間有寬意與淡遠義近故說文云窵淡肆極也既言淡又言肆者義本爾雅言肆又言極者肆之至極極即力也是說文以一句兼釋二義郭云輕窵者好放肆蓋讀窵為佻釋文因之而云窵吐彫反此皆誤矣唯說文與爾雅義合今據以訂正○肆又訓力者力猶極也說文肆極陳也窵淡肆極也皆以極肆連言可知肆有極義故小爾雅云肆極也左氏昭十二年傳魯穆王欲肆其心周語云藪澤肆既晉語云肆侈不違呂覽仲春紀云無肆掠淮南傲真篇云無所肆其能也注皆訓肆為極極即盡力之義故說文以肆為極爾雅以肆為力其義同力極之聲又近

俵戴也

詩曰戴弁俵俵

戴者說文云分物得增益曰戴釋名云戴載也載之於頭也通作載經典載戴通用詩載弁俵俵郭引亦作戴矣俵者說文云冠飾兒引詩戴弁俵俵所引正與郭合服亦戴也釋訓云俵俵服也郭注謂戴弁服釋文俵本

亦作練

瘞幽也

麓也

麓者綱之段借也說文云綱西胡毳布也又云紕氏人綱也通作麓王會篇伊尹四方令曰正西紕麓為獻後漢書西南夷傳冉駹夷其人能作旄氈毳蓋

麓之有文者稱斑矣麓者毳之譌文也說文毳獸細毛也周禮司服注引鄭眾云毳屬衣也然則鄭以毳為屬衣許以綱為毳布證以釋文云麓李本作毳昌

銳反可知爾雅古本麓屬作毳屬矣毳衣如羴經有

成文故此釋之今本毳作麓麓說文以為羴牛尾非

可作屬經典借為豪麓之麓又以為毛麓故一切經

謂毛屬也胡人續羊毛作衣又引孫炎曰毛麓為屬

詩韓奕正義引郭璞云麓音狸又引舍人與書正義

而異舍人所以知屬為羊毛作者據內則云羊冷毛

字林義同然則羊毛細者稱毳舍人所據爾雅本正

作毳與李巡同唯郭本誤作麓有麓音狸三字可證

正義引舍人及孫炎亦作麓蓋因郭本作麓致誤耳

烘燎也

燎者說文云放火也廣雅云燒也燒燎義同野曰燎也正義引舍人曰烘以火燎也釋文烘于熾傳烘

又音洪說文互凶甘凶二反孫炎音恭爾雅釋文郭

東反矣。○焯者說文云行竈也从圭聲讀若同玉篇

口同鳥圭二切釋文引顧與玉篇同郭音恚字林口
穎反詩釋文又正弭反詩正義云炷者無釜之竈其
上然火謂之烘本為此竈上亦然火照物若今之火
爐也按此火爐蓋如今燒炭所用郭云三隅竈者蓋
如今之風爐形如筆筒缺其上口為三角以受風謂
之風竈形制大小隨人所為舟車皆可攜帶故說文
謂之行竈也又今登萊人謂竈為耐鑼炷其音正作
口穎切此古音矣炷者說文云炷也玉篇云竈也詩
白華傳炷炷竈也正
義引舍人與毛傳同

陪朝也

陪位為朝

朝者曲禮云天子當宁而立諸公東面諸侯西面曰
朝白虎通云朝者見也大宗伯云春見曰朝鄭注朝
猶朝也欲其來之早然則朝兼朝旦為義也文選古
意酬到長史漑登瑯邪城詩云金溝朝灑澆李善注
小水入大水曰朝說文作淖云水朝宗于海是朝又
取水淖為義也陪者說文云重土也玉篇云貳也隨

也加也助也益也是陪有加益之義朝亦所以助益
人君如土壤增崇於山細流益潤於海故參乘曰陪
乘加鼎曰陪鼎侍朝曰陪位皆其義矣陪培通

康苛也

謂苛刻

苛者說文云小艸也按苛為小艸故又為細也煩也
重也又擾也一切經音義十六引國語賈逵注云苛
猶擾也通作荷經典多借荷為苛如晏子春秋諫上
篇云執法之吏並荷百姓漢街彈碑云吏無荷擾之
煩皆以荷為苛也康者釋器云康謂之
盞康亦細碎與苛擾義近聲又相轉

樊藩也

謂藩籬

藩者詩价人維藩傳藩屏也一切經音義廿引蒼頡
篇云藩蔽也易大壯馬融注藩籬落也通作蕃詩四
國于蕃蕃即藩字之省故大司徒九曰蕃樂杜子春
讀蕃樂為藩樂大司馬蕃畿即職方之藩服矣樊者

楸之段俗也說文云楸藩也通作樊詩折柳樊圃止于樊傳竝云樊藩也正義引孫炎曰樊圃之藩也按樊又訓邊也傷也崖也皆從藩籬之義而生也止于樊說文引作止于楸漢書昌邑王傳作止于藩史記滑稽傳作止于蕃竝同聲通借字

賦量也

以評量

量者說文云稱輕重也玉篇力姜力尙二切釋文亦具二音周禮序官量人注量猶度也禮運月以為量鄭注量猶分也華嚴經音義上引國語賈逵注量分齊也賦者說文云斂也詩烝民傳賦布也呂覽分職篇注賦子也方言云賦與操也是賦兼取子其義則皆為量也故魯語云賦里以入而量其有無然則賦斂賦稅即為量入賦布賦子即為量出賦之為言撫也撫揣料量郭注但以賦稅為言失之

糗糧也

通言糗

糧者說文云穀也詩乃裹餼糧又為乾食之名故周禮廩人注行道曰糧謂糗也是糧為總名通作糧玉篇云糧同糧公劉釋文糧本亦作糧論語釋文糧鄭本作糗是糗糧又通矣糗者詩以峙其糗王制云五十異糗箋注竝云糗糧也雜記云載糗鄭注糗米糧也是糗亦兼二義通作餼集韻餼與糗通方言云餅或謂之餼餼餼餼音滿是乾食亦名糗

庶侈也

庶者眾多

庶幸也

庶幾

侈者說文云奢也玉篇云奢大也集韻引字林云汰也汰亦奢泰即侈泰即侈大也通作侈延侈與侈大義近又俱从多聲也庶者釋詁云眾也眾多即侈泰故公羊成十年傳婦人以眾多為侈也楚語云不陳庶侈通作侈詩為豆孔庶箋庶侈也正義引舍人曰庶眾也侈多也又引孫炎曰庶豐多也釋文侈字又作侈○幸者說文作倝云吉而免凶也晉語云德不純而福祿竝至謂之幸小爾雅云非分而得謂之幸

釋言

釋言

華嚴經音義上引韻圃云幸賴也又引公羊傳劉兆注幸遇也遇偶賴利亦與僥倖義近庶又為幸者說文云欽委也欽猶覲也覲亦幾也庶幾皆僥倖之意

策拾也

謂拾

拾者說文云掇也掇拾取也匡謬正俗云拾者猶言一拾取按射著臂講以斂衣遂弦謂之為拾亦取收拾為義也策者書云盡起而策之釋文及正義引馬鄭王皆云策拾也史記魯世家集解引馬融曰禾為木所偃者起其木拾其下禾通作策金滕釋文策本亦作策又通作督小爾雅云督拾也又省作叔說文云叔拾也詩九月叔苴毛傳同

樊駟也

今江東呼大為駟猶麤也

此有二本郭本作樊駟也說文樊駟大也樊與壯同釋詁云壯大也此皆郭義所本樊炎孫炎本並作將

且也將且皆未定之詞故秦策云城且拔矣呂覽音律篇云陽氣且泄淮南時則篇云雷且發聲高誘注竝云且將也且既訓將將亦訓且故詩方將萬舞將恐將懼箋竝云將且也燕燕及簡兮丰楚樊文王既醉烝民敬之傳竝云將行也膠木邢烈祖箋竝云將猶扶助也行與助有越起之意起且古字通古讀且七余切將且聲轉故同義同訓檀弓云夫祖者且也鄭注且未定之辭是亦以且為將且音七余切今讀七也切非古音矣此皆樊孫所本郭氏不從據樊駟別本為之作注但樊駟理新而於經典無會將且習見而為經典常行廣雅亦作將且所據蓋即樊孫之本唯沈旋集注作樊暨也合將且為一字猶依郭本樊字意在兩存則誤甚矣賴有釋文備列諸家今得依以申明古義用祛疑惑焉

集會也

會者釋詁云合也公羊隱元年傳會猶最也月令及樂記注會猶聚也聚最古字通皆合眾之詞諸侯相

見曰會亦合眾之稱也集者說文以為彙字之省云
羣鳥在木上也集从隹隹三佳也會从人人三合也
故會集其義同詩小采箋集會也小旻及大明傳竝
云集就也成就與會合義近集就與聚最聲又相轉

舫泝也

水中

泝者說文云編木以渡也方言云泝謂之箴箴謂之
筏筏秦晉之通語也楚辭潛往日篇注編竹木曰泝
楚人曰泝秦人曰撥也按撥即筏字詩漢廣釋文引
郭云木曰泝竹曰筏小筏曰泝不同者泝筏箴皆同
類其竹木隨地所宜耳釋文泝本亦作泝又作桴或
作泝泝即泝字之誤矣泝者亦方之段借也上訓舟
此訓泝者泝舟同類釋水云士特舟庶人乘泝齊語
云方舟設泝皆其義也詩不可方思方之舟之傳箋
竝云方舟泝也正義引孫炎云方水中為泝筏也爾雅
釋文方樊本作坊坊蓋泝字之誤
舫與舫同見史記張儀傳索隱

洵均也

謂調

洵龕也

未詳

均者已詳上文洵者旬之段借也說文云旬徧也徧
即均故又云均平徧也十日為旬旬之言宣也宣徧
亦見上文詩來旬來宣傳旬徧也其下侯旬傳旬言
陰均也易雖旬无咎管子侈靡篇云旬而見鄭注旬當
旬為均也易雖旬无咎管子侈靡篇云旬而見鄭注旬當
為均聲之誤也易說卦坤為均今亦或作旬也周禮
均人注亦同茲說今按雖旬无咎釋文旬荀作均亦
其證矣通作洵詩洵直且侯傳洵均也桑柔正義云
某氏引此詩李巡曰洵徧之均也又通作詢尚書大
傳云詢十有二變鄭注詢均也○洵又訓龕者借洵
為恂恂信也借龕為堪堪任也言信可堪任也此義
本錢氏荅問今依用之釋文龕字或作含本今作龕
按龕上从今即含字之省含亦聲今說文从含聲誤
空訂正龕或作含者方言云鉛龕受也齊楚曰鉛楊
越曰龕受盛也猶秦晉言容盛也然則
容受與堪任義近釋文作含與方言合

逮逌也

今荆楚人皆云逌音沓

逌者說文云迨也玉篇云迨逌行相及方言云逌及也關之東西曰逌或曰及然則逌逮俱訓及逮逌聲又相轉釋文云逌孫郭徒沓反又云沓與上同亦徒沓反今按宋雪窗本及明吳元恭本郭注逌下俱有音沓二字今本則無據釋文則唐以前本有之今補

是則也

是事可法則

則者釋詁云法也是者提之段音也說文云提提行兒引爾雅曰提則也詩好人提提釋訓作媞媞與此義合方言云徙行也又云自關而西秦晉之間凡細而有容謂之嬰或曰提說文云嬰媞也是媞提古字通然則儀容行動俱謂之提容止可法故謂之則正與下文威則也同義提从是聲因省作是郭蓋未檢方言說文故緣詞生訓耳

畫形也

畫者為形象

形者說文云象形也釋名云形有形象之異也按容色體貌皆以五色繪物象也說文云畫介也畫者釋名云繪也以五色繪物象也說文云畫介也象田四介聿所以畫之按畫繪之事起於古之畫井經田古者山川域地皆有圖畫周禮一書言圖非一遂人云以土地之圖經田野造縣鄙形體之濃鄭注形謂制分界也然則田有界畫以觀縣鄙之形體地有圖畫以寫天下之形勢物有圖畫以盡萬物之形容此皆畫訓形之義也

賑富也

謂隱賑富有

富者說文云備也一曰厚也論語顏淵篇集解及皇侃疏竝云富盛也按富从畝聲有盛滿之義也賑者說文云富也郭云隱賑富有隱與殷同殷訓衆盛故文選西京賦云鄉邑殷賑薛綜注殷賑謂富饒也蜀爾雅義疏七二釋言

都賦云邑居隱賑劉達注隱盛也賑富也羽獵賦云
殷殷軫軫李善注殷軫盛貌也是殷軫即隱賑音轉
字變又為暉賸賸伊賦玉篇云暉賸富
有也是皆曼韻之字其義即存乎聲也

局分也

謂分

分者說文云別也淮南本經篇云各守其分高誘注
分猶界也禮運注分猶職也樂記注分猶部曲也皆
有分別之義也局者說文云促也从口在尺下復局
之一曰博所以行棊按局促即守分位之意博局亦
有分限故曲禮云左右有局鄭注局部分也詩正月
傳局曲也采綠傳局卷也卷曲亦局促也小爾雅及
廣雅竝云局近也
迫近亦局促也

儕怒也

詩曰天

怒者說文云恚也匡謬正俗云怒字古讀有二音按
古音不分上去二音實一音也儕者詩板傳云怒也

正義引舍人曰儕怒聲也舍人知怒為聲者素問五
運行大論云其志為怒王砵注怒直聲也是怒亦有
聲然非
通義

僖聲也

謂聲

聲亦音也通作磬大射儀注古文聲為磬按說文聲
从殼聲殼籀文磬也僖者說文云僖動草聲也字又作
云僖小聲也字書僖同釋文云僖動草聲也字又作
僖廣韻同又鷺鳥之聲又僖僖呻吟也龍龕手鑑一
作僖僖呻吟也今按說文玉篇但言聲廣韻乃有鷺
鳥動草呻吟之說今並未聞僖僖即肩之或體肩从
聲與僖从悉聲音本相近郭讀音契則聲轉矣通作
肩漢書武帝紀云著見景象肩然如有間肩即僖也
祭義云肅然必有間乎
其容聲肅僖聲亦相轉

葵揆也

詩曰天

揆度也

度商

爾雅義疏二二釋言

三

揆者說文云葵也按此雖本爾雅但爾雅本為解經經有葵字乃揆之段借故此釋云葵即揆也亦如甲狎幕暮之例至於說文本為訓義不主段借當言揆度而言揆葵則義反晦矣疑此許君之失也葵者詩天子葵之則我莫敢葵傳箋竝云葵揆也○度者釋詁云謀也經典揆俱訓度一切經音義九引孫炎曰揆商度也

逮及也

怒飢也

怒然飢意

怒者釋詁云思也說文云憂也憂思義同又訓飢者蓋言憂思之意迫切如飢耳故詩汝墳傳云怒飢意也意即思故箋云怒思也說文以怒為飢餓餓蓋意字之誤本於毛傳也正義引李巡曰怒宿不食之飢也蓋本毛傳朝飢而於詩及爾雅意又失也知者詩有二怒怒焉如擣毛亦訓思可知飢非怒之本義

眡重也

謂厚重見左傳

眡者說文云目有所恨而止也玉篇作目有所限而止限謂隔闕故耳有所限謂之重聽目有所限今謂之蒙視蒙亦重矣重者重也累也郭引左氏隱三年傳憾而能眡者鮮矣杜預注恨則思亂不能自安自重經典眡字唯此一見通作疹詩雲漢釋文瘖韓詩作疹恥吝反云重也按疹籀文眡字一切經音義六引三蒼云眡腫也腫與重聲義同

獵虐也

暴虐

虐者說文云殘也殘兼暴害賊惡諸義獵者畋獵逐禽亦為殘害於物也邵氏正義云古者以殺為虐書呂刑惟作五虐之刑墨子尚同篇作惟作五殺之刑左氏宣十五年傳虐我伯姬獵訓為虐與釋詁獮殺也義同

土田也

別二名

田者說文云陳也樹穀曰田一切經音義一引蒼頡篇云田種禾稼也釋名云已耕者曰田田填也五稼填滿其中也土者釋名云土吐也能吐生萬物也然則土為田之大名田為已耕之士對文則別散則通也

戍邊也

戍守所以止寇賊

邊者釋詁云止也一切經音義一引蒼頡篇云邊遮也按遮謂遮遯守之與戍義正同戍者說文云守邊也从人持戈詩揚之水傳戍守也守有止定之義又有遮遯之義皆與邊同意

師人也

謂人眾

人者統詞也對眾而言則人為寡詞周語云人三為眾是也對寡而言則人為眾詞穀梁莊十七年傳人

者眾辭是也爾雅此義即本之穀梁師者釋詁云眾也二千五百人為師是師為人眾之稱

砮鞏也

砮然堅固

砮者釋文云苦角反則當作砮但說文砮石聲與鞏義遠砮訓石堅則與鞏近釋詁砮鞏竝云固也釋文劫或作砮古黠反是劫砮通疑此作砮是也

棄忘也

忘者說文云不識也近識即今云不記得棄者說文云捐也捐棄與遺忘義近忘猶亡也棄猶去也去亡義又同經典棄訓忘者如詩將安將樂女轉棄子言安樂相忘也又云棄子如遺對上寘子于懷而言忘我之甚如遺失物也故下遂言忘我大德以結上二章傳箋或失之又左氏昭十三年傳南蒯子仲之憂其庸可棄乎亦以棄為忘也

蹶閑也

蹶然閑暇貌

閑者閒之段借也經典遊閒燕閒及閒習閒暇通段為閑故詩十畝之間釋文開本亦作閑史記畱侯世家云良嘗閒從容步遊下邳圯上索隱曰閒閑字也蹶者說文云聲也詩逸徒蹶蹶左氏成十六年傳在陳而蹶合而加蹶又甚蹶且塵上竝以蹶為聲也軍中無聲好整以暇唯選數車徒蹶蹶有聲然仍閒暇整齊是蹶為聲之間也故爾雅釋以蹶閑蹶閑又一聲之轉釋文蹶許嬌反此音是也又五刀反非矣五刀乃敖字之音應在釋

謀心也

謀慮以心

心者釋名云心纖也所識纖微無物不貫也白虎通云心之為言任也管子心術篇云心者智之舍也然則智藏於心心任於思思與智即謀慮所從出矣謀者說文云慮謀思也本釋詁文洪範云聰作謀此云

獻聖也

諡法曰聰明睿智曰獻

白虎通云聖者通也道也聲也詩凱風傳聖叡也洪範五行傳云心之不容是謂不聖獻者莊子大宗師篇釋文引向秀注獻善也論語入佾篇集解引鄭注獻猶賢也賢善皆與聖近故賈子道術篇云且明且賢此謂聖人諡法云稱善賦簡曰聖聰明叡哲曰獻蔡邕獨斷叡哲作睿智郭注本此

里邑也

謂邑居

說文云邑國也釋名云邑猶俚也邑人聚會之稱也小司徒注四井為邑方二里初學記引尚書大傳五里為邑管子小匡篇六軌為邑不同者以周禮九夫為井準之四井則三十六家以管子五家為軌計之六軌則三十家故齊語云制鄙三十家為邑也然論語又云十室之邑千室之邑蓋邑為通名大不過千

室小不過十家其中容有畸零十與千舉成數耳里者說文云居也御覽一百五十七引風俗通云里者止也止即居故左氏襄九年傳正義引李巡云里居之邑也遂人云五鄰為里里二十五家也小匡篇云十軌為里里五十家也古微書引論語誤考文云古者七十二家為里公羊宣十五年傳注一里八十戶雜記注引王度記云百戶為里管子度地篇亦云百家為里是里數不同亦猶邑名靡定古者邑里通名故詩于蹶之里傳云里邑也是里宰云掌比其邑之眾寡鄭注邑猶里也是邑里通

襄除也

詩曰不可襄也

玉篇云除去也開也曲禮注除治也周禮典祀注修除芟埽之是除又兼埽除芟除為義也襄者諡法云辟地有德曰襄辟即開除之義說文引漢令解衣而耕謂之襄耕亦芟除之義故詩牆有茨及出車傳並云襄除也通作攘離騷云忍尤而攘詬詩車攻序外攘夷狄史記龜策傳西攘大宛並以攘為除也龜策

傳集解徐廣曰攘一作襄是襄攘通爾雅釋文襄或而羊反而羊即攘字之音

振古也

詩曰振古如茲猶云久若此

古者釋詁云故也故有久舊之義振者聲近塵釋詁云塵久也久故與古義近詩載芟傳振自也自有始義亦與古近箋云振亦古也皆本爾雅故正義云毛義與鄭不殊郭云久若此者本詩南有嘉魚箋云烝塵也塵然猶言久如也

懟怨也

縹介也

縹者繫介猶閔

介者說文云畫也文選魏都賦注引韓詩章句云介界也是介訓界畫即分別之義也縹者說文云以絲介履也介字義本爾雅亦取分別為義也釋文引李孫顧舍人本並云縹羅也介別也按字書無縹字集

爾雅釋言

奇

韻補或作補與爾雅不合今以補訓羅推之疑補卽
縞之譌縞猶離也離羅聲轉而義亦同故方言云羅
謂之離離謂之羅然則離訓爲羅介訓爲別正與李
孫顧舍人之義合矣臧氏琳經義雜記廿五以補爲
縛字之譌蓋所傳本異也

號諱也

皆言諱

諱者說文云評諱也通作嘽說文嘽嘽也周禮雞人
云夜嘽且又通作嘽說文嘽嘽也按嘽嘽猶號諱
也又通作呼曲禮云城上不呼釋文呼號叫也詩蕩
釋文呼崔本作諱爾雅釋文諱又作呼號者詩碩鼠
傳呼也說文同通作諱說文云諱號也又通作嘽
冀州從事郭君碑云卜商嘽嘽卽易云號嘽也

凶咎也

苞稹也

今人呼物叢
緻者爲稹

稹者說文云種穢也引周禮曰稹理而堅考工記注
稹致也詩鴉羽箋稹者根相迫迤捆致也致與緻同
稹與縝同故聘義云縝密以栗鄭注縝緻也鴉羽釋
文稹本又作縝苞者釋詁云豐也是豐之稹也鴉羽
傳苞稹也正義及書禹貢正義並引孫炎曰物叢生
曰苞齊人名曰稹文選六代論注引易鄭注云苞植
也植卽稹
之形譌耳

遁寤也

寤相干

寤者臧氏琳以爲悟之段俗也悟者說文云逆也通
作迕一切經音義七引聲類云迕逆不遇也又通作
悟史記漢書注並云悟逆也皆悟之通俗也迕者當
作午釋文孫本迕字作午此蓋古本證以說文云午
悟也五月陰气午逆陽冒地而出是午爲悟逆孫炎
義與說文同故臧氏經義雜記六本此爲說文又引史
記鄭世家以爲寤生者謂悟逆難生久不得下故驚
武姜也然則寤之言悟因其悟逆故名之曰寤生遂

惡之左傳與史
記義尤合矣

頤題也

日題額也詩

題者說文云頤也莊子馬蹏篇云齊之以月題釋文引司馬崔云題馬頤上當顛如月形者也題顛聲轉故詩麟趾傳釋文題本作顛矣頤者即下文云顛頂也顛頂頤又一聲之轉釋文頤字又作定詩釋文定

字書作頤今
按作定為正

猷可也

詩曰猷來無
棄可也鄭注善其能廉意已盡亦曰可故檀弓云夫子曰

可也鄭注善其能廉意已盡亦曰可故檀弓云夫子曰曰可矣鄭注可猶止也然則可兼意盡未盡二義凡言可矣意已盡之詞也或言可也意未盡之詞也論語期月而已可也皇侃疏可者未足之辭是未足之辭亦得言可但意猶未盡耳猷者上文云若也釋詁

云已也已訓止則與可訓止近若訓善又與可訓善近猷與猶通故詩猶來無止之子不猶傳並云猶可也公羊文六年宣八年傳並云猶者何通可以已也穀梁傳云猶之為言可以已也又云猶者可以已之辭也是皆猶訓可之證亦猶兼已若二義之證猶者意未盡又與可訓未足之義合矣可者春秋宣四年經云公及齊侯平甚及郊甚人不可不齊策云客有詩惠然有來啗有適我箋並云可也齊策云客有為寡人來請郭君乎高誘注亦云可也齊策云客有之言快也快意即可意快可可俱一聲之轉

務侮也

詩曰外
禦其侮

侮者說文云傷也傷當作傷傷輕也玉篇云侮慢也方言云秦晉之間罵奴婢曰侮然則侮人而以奴婢遇之輕慢之甚也務者侮之段音也詩外禦其務左氏僖廿四年傳及周語並作外禦其侮是侮俗為務故詩常棣箋本爾雅云務侮也明務即侮字非以侮訓務也經典此例極多如爾雅甲狎幕暮之類皆是

爾雅義疏卷之二釋言

三

爾雅義疏卷之二

三

貽遺也

遺相歸

遺者說文訓也經典以為饋遺字曲禮云凡遺人弓者楚辭湘君篇云將以遺兮下女釋文及王逸注並云遺與也詩北門傳遺加也加亦與也貽者詒之或體也說文云詒遺也詩雄雉天保傳及谷風小明思文有駮箋又梓人及表記注並云詒遺也文王有聲箋詒猶傳也傳付亦遺與也通作台釋詁云台子也台即詒子即與也別作貽詩雄雉及靜女釋文並云貽本作詒斯干釋文又云詒本作為

賈買也

名廣二

賄財也

財者說文云人所寶也玉篇云所以資生者納財謂賄財也貨也賂也大宰以九賦斂財賄鄭注財泉穀

也坊記先財而後禮注財幣帛也然則財賄實泉帛穀粟之通名矣賄者說文及詩氓傳並云財也玉篇贈送財也聘禮注賄予人財之言也然則經典言賄實兼財贈二義爾雅但云財者財賄通名贈人以財亦為賄也

甲狎也

謂習

狎者釋詁云習也甲者詩芄蘭傳甲狎也言甲即狎字釋文甲韓詩作狎是韓用本字毛段借也

葵騅也葵藿也

詩曰毳衣如葵藿草色如騅在青白之間

葵藿見釋草此云騅者說文云葵藿之初生一日藿一曰騅詩大車傳葵騅也箋云葵藿也皆本爾雅騅釋文从馬旁云如騅馬色也詩正義从鳥旁鄭志答張逸云騅鳥青非草色藿亦青故其青者如騅是蓋正義所本馬瑞辰說鄭君據毛傳本作騅从鳥旁不从馬旁釋文益據爾雅改毛傳也

爾雅釋言

三

爾雅釋言

三

粢餐也

今河北人呼會為餐

說文云餐吞也。餐舖也是。二字義別。郭本作餐。釋文作飧。故云。飧本又作餐。字林作飧。云吞會。然吞是餐之訓。而以飧。飧則非。詩緇衣釋文亦云。餐。飧也。此皆非矣。粢者。漢書惠帝紀注。應劭曰。坐擇米使正白為白粢。是粢為米名。非會名。爾雅以粢為餐。明其段。僧蓋據詩言授子之粢。即謂與之以會。知者。詩言素餐。猶素會耳。

渝變也

謂變易

說文云。變更也。渝。變汗也。詩羔裘傳及板箋。並云。渝變也。通作輸。廣雅云。輸更也。更亦變也。左氏隱六年。經鄭人來渝。平傳云。更成也。公羊穀梁。渝並作輸。傳云。輸墮也。墮。壞亦變更之義。爾雅釋文。渝。舍人作孺。孺。蓋渝之或體。見玉篇。

宐肴也

詩曰與子宐之

肴者。說文云。啖也。玉篇云。俎實。又啖肉也。按肴。从肉。故訓啖肉。知說文啖。下脫肉字。初學記廿六。引說文。作肴。雜肉也。此蓋別本。廣雅云。肴。肉也。通作穀。經典。穀。肴通用。詩禮記公羊。釋文詳矣。宐者。詩與子宐之。傳。宐。肴也。正義引李巡曰。宐。飲酒之肴也。今按。周禮。會。醫凡會。膳會之。宐。是膳。肴稱。宐。宐。肴聲。又相轉。此與粢餐同意。並釋詩言非達。詰也。

夷悅也

詩曰我心則夷

悅者。釋詁。怡悅。並云。樂也。怡。猶夷也。夷者。詩云。胡不夷。既夷。既擇。亦不夷。擇。傳箋。並云。夷。悅也。楚辭九懷。篇注。夷。喜也。喜。亦悅也。郭引詩。我心則夷。此夷。毛傳。訓。平以上。章已云。我心則說。故此變為平實。則和平。亦悅。擇也。夷。釋文作悵。俗。

顛頂也

上頭

頂者說文云顛也顛頂也方言云顛頂上也按上謂頭上頭上即顛頂顛頂雙聲義亦互訓

耄老也

八十為耄

老者說文云考也釋名云朽也獨斷云老謂久也舊也壽也耄者詩車鄰傳耄老也八十曰耄正義引孫炎曰耄者色如生鐵爾雅釋文引作老人面如鐵色釋名云耄鐵也皮膚變黑色如鐵也按耄說文及釋名俱本毛傳以為八十易釋文引馬融注及詩正義引左傳服虔注並云七十曰耄左傳正義又引舍人云年六十稱也杜預僖九年注從服虔何休宣十二年注從舍人是耄無正訓故有六十七十八十之異要為老壽之稱則同故爾雅以耄為老曲禮云七十曰老

輶輕也

詩曰德輶如毛

輕輶說文並云輕車也詩駟鐵及烝民傳箋並云輶輕也文選幽通賦注引曹大家曰輶德輕而易行也

倭淺也

詩曰小戎倭收

倭者說文云不深也倭者詩小戎傳箋並云淺也管子參患篇云甲不堅密與倭者同實尹知章注倭謂無甲單衣者又云將徒人與倭者同實尹注倭單也按單薄亦淺略也小戎釋文引韓詩云駟馬不著甲曰倭駟是管子注所本通作踐詩有踐家室傳踐淺也又通作翦旣夕禮云緇翦鄭注翦淺也今文翦作淺又聲轉為竊釋獸云虎竊毛謂之號貓郭注竊淺也今按不獨此也釋鳥說諸屬之名有竊藍竊黃竊脂竊丹竊以竊為淺也

絢絞也

糾絞繩索

絞本切直之義又為繩索之名
帶也是繩為絞絞者交也雜記疏云兩股相交謂之絞
是義也絢者詩有爾索絢正義引李巡曰絢繩
之絞也是絢為繩方言云車紂或謂之曲絢郭注絢
亦繩名是也此

訛化也

詩曰四國是訛

化者說文云教行也華嚴經音義上引珠叢云教成於上而易俗於下謂之化今按化與七同說文云七變也从到人然則化亦變易舊形之義也訛者吡之或體也說文云吡動也動節南山箋訛化也又通作譌方言云譌化也郭注譌化聲之轉也

跋躡也

詩曰狼躡躡也

躡也

詩曰載躡其尾

躡者獵之或體也獵有從旁陵獵之義不陵節之謂遜反遜為獵獵猶捷也捷行出前也跋者跟之段音

烝塵也

生人眾所以

也說文云跟步行獵跋也獵即躡跋即跟也說文跋跟也一切經音義十五引聲類云狼跟顛跟也顛即跟當讀為跟釋文跋蒲末反非也又云郭音貝是郭正讀跋為跟臧氏琳經義雜記廿九論之詳矣○跟者說文云躡也中庸注同玉篇躡渠劫居業二切釋文郭又音甲廣雅云躡代也更代與躡義近躡者躡之段音也說文躡躡也引詩載躡其尾通作躡說文躡礙不行也詩正義引李巡曰跋前行曰躡躡日躡

塵者釋詁云久也通作填詩倉兄填兮傳填久也又通作寘寘與填同也烝者釋詁云眾此云塵者詩南有嘉魚箋烝塵也塵然猶言久如也東山箋烝塵也傳烝寘也常棣傳又云烝填也鄭箋古聲填寘塵同東山箋亦云古者聲寘填塵同也是寘填俱塵之段音烝塵亦語聲轉然則烝塵二字以聲為義不須訓

註詩桑柔正義引孫炎曰烝物久之塵郭注申之而云人眾所以生塵埃均為失矣

戎相也 相助

相者釋詁云導也勳也戎者詩烝也無戎傳戎相也爾雅釋文戎本或作拔顧如勇反是拔與擁音義同擁相義亦近

飲私也 之私

私者人之段借也說文引韓非曰蒼頡作字自營為通作私方言云私小也凡物小者謂之私然則私有織齋之意對公為小也飲者說文作醜云私宴飲也文選注引薛君韓詩章句曰飲酒之禮下跪而上坐者謂之宴踈能者飲不能者已謂之醜踈通作飲說文飲燕會也詩飲酒之飲傳飲私也不脫履升堂謂之飲正義引孫炎曰飲非公朝私飲酒也馬瑞辰曰飲有二義周語云王公立飲則有房烝親戚

宴饗則有餼烝又云飲以顯物宴以合好此立飲之飲與燕異禮者也爾雅云飲私也說文餼燕會也韓詩作餼此飲私之飲與燕異名同實者也飲私即楚茨所云備言燕私傳謂燕而盡其私恩者耳毛傳飲私也本爾雅為義又云不脫履升堂謂之飲本周語立飲為說蓋廣異義也箋云私者圖非常之事若議大疑於堂則有飲禮焉是以飲私即為立飲誤矣

孺屬也 謂親屬

屬者說文云連也釋名云續也恩相連續也孺者詩和樂且孺傳孺屬也正義引李巡曰孺骨肉相親屬也曲禮云大夫曰孺人鄭注孺之言屬

幕暮也 幕然暮夜

暮者古字作莫說文云莫日且冥也按莫有二讀說文之莫音慕故切爾雅之莫當音慕各切左氏莊廿

爾雅義疏上二釋言

三

八年傳狄之廣莫小爾雅云莫大也宋咸注莫府言
 大也莫府即幕府矣幕者說文云帷在上曰幕覆倉
 案亦曰幕方言云幕覆也釋名云幕幕絡也在表之
 備也又云煖繭曰莫莫幕也貧者著衣可以幕絡絮
 也然則釋名以莫為幕爾雅以幕為莫其義正同幕
 絡新序雜事二作莫絡古字通用推是而言詩維葉
 莫莫猶幕絡也內則注敲謂皮肉之上魄莫也
 魄莫猶幕絡也郭氏望古本作幕莫聲義相兼今本
 作幕暮傳寫誤改郭氏望古本作幕莫聲義相兼今本
 義以幕為暮夜聲義俱乖矣

煽熾也熾盛也

義互相訓煽熾

熾者說文云盛也詩六月傳同煽者煽之或體也說
 文煽熾盛也引詩豔妻煽方處通作煽毛詩十月之交
 傳煽熾也是煽訓熾熾訓盛說文簡略故總曰煽熾
 也盛

柢本也

謂根本

本者說文云木下曰本醢人注昌本昌蒲根是矣柢
 者說文云木根也士禮禮云進柢士虞禮記云載猶
 進柢鄭注竝云柢本也今文柢為柢泉府云買者名
 從其柢鄭注抵實柢字柢本也通作邸典瑞云四圭
 有邸鄭注引爾雅曰邸本也按釋器云邸謂之柢郭
 注根柢皆物之邸邸即底通語也又通作氏詩維周
 之氏傳氏本也周語云本見而草木節解韋昭注本
 氏也是氏柢同亢氏二星之間名曰天根正以此也
 聲轉為杜方言云杜根也東齊曰杜

窵閒也

窵窵

閒者釋文音閑或如字蓋因郭注閒隙故存此音即
 實非也閒暇也靜也寬也齊語云處士使就閒燕韋
 昭注閒燕猶清淨也楚辭招魂篇云像設君室靜閒
 安些王逸注空寬曰閒清靜寬閒也是皆閒音閑之

義也窳者上文云肆是深肆之間也詩關雖傳窳窳幽閒也毛蓋以窳為幽窳為閒皆本爾雅鄭箋幽閒處深宮亦申毛義唯有正義誤會鄭箋以為幽閒宮亦猶郭注誤會爾雅以為窳窳閒隙胥失之也王照圓詩經小記云窳意之幽也窳心之間也其說是矣爾雅釋文窳舍人本作跳云跳者躍之間此則師授之異不可通於今本及毛詩

淪率也

使相率

率者當讀如律史記老莊申韓傳云大抵率寓言也正義曰率猶類也然則率律聲同律類聲轉古皆通用凡言相類或云皆律或云一律或云大率是其聲義俱通矣淪者詩淪胥以鋪無淪胥以亾無淪胥以敗傳箋竝云淪率也淪或為勳後漢書蔡邕傳注作勳胥以痛勳帥也漢書敘傳注晉灼曰齊魯韓詩作薰薰帥也是三家作薰毛作淪淪薰古音相近皆有音徧之義故其字通淪率雙聲淪淪薰壘韻也

罹毒也

憂思慘毒

毒者廣雅云痛也惡也苦也罹者釋詁云憂也憂苦義相成

檢同也

模範同等

同者共也俱也皆也詩車攻傳齊也吉日箋聚也說文合會也聚亦合會之義皆俱共即齊之義也檢者禁也局也又法度也皆無同義錢氏答問云檢當為僉郭本譌作檢今按小爾雅云僉同也是其證邵氏正義引詩僭始既涵鄭箋涵同也今按釋文涵鄭音咸韓詩作減从咸聲咸訓為同是鄭所本下文又云僉同也僉蓋也僉檢聲義又近洪頤煊引孟子狗彘食人食而不知檢漢書貨志引檢作斂隸釋任伯嗣碑姦軌檢手檢即斂字也

郵過也

道路所經過

爾雅釋詁

三

過者上文云逸譽過也過謂失誤凡非議人及罪責
人亦為過也郵者古本作尤文選弔屈原文注引
為舍人爾雅注曰尤怨人也列子楊朱篇釋文引
雅亦作尤過也洪範五行傳注及論語為政篇包咸注
四月箋又洪範五行傳注及論語為政篇包咸注
云尤過也俱本爾雅通作郵詩賓之初筵箋及王制
注又晉語楚語注並云郵過也皆俗郵為尤郭緣
詞生訓以郵為郵驛之郵誤矣然郵固俗聲尤字亦
非正體依文尤當引周書曰報以庶說今呂荆說作
為正說文說罪也引周書曰報以庶說今呂荆說作
尤載馳釋文尤本亦作尤說古通用
文說本或作尤是尤說古通用

遜遜也

謂逃

遜與遁同說文竝云逃也玉篇云退還也隱也經典
遁遜通易下經釋文遜字又作遂爾雅釋文與易同
遜又作遁矣遜者說文云遁也通作孫詩公孫碩膚
箋孫讀當如公孫于齊之孫孫之言孫遁也正義引

躒躒也

前價僵也

孫炎曰遁
逃去也

躒者說文云僵也引春秋傳晉人躒之眩鑿十又云
楚僵也讀若匄是楚躒同爾雅之躒古本作什說文
云什頓也釋名云什躒也頓躒而前也釋木釋文躒
或作什是什躒古字通躒者說文云頓什也或作躒
檀弓及表記注並云躒什也左氏定八年傳正義引
釋言云躒什也又引孫炎云前覆曰什釋文引同是
皆爾雅古今躒作什之證釋文躒字亦作躒玉篇躒
俗躒字。僵者說文云躒也價僵也釋名云躒正直
僵然也然則僵什皆顛顛之名但細分之什是前覆
僵為卻僵價躒亦然故左氏隱三年傳鄭伯之車價
于濟正義引舍人曰背躒意也
按背躒謂仰什即卻僵之意

眡眡也

絕謂眡

殄者釋詁云盡也殄者田界之盡也上文云殄致也致與盡義亦近殄殄俱从彡聲又以聲為義也

曷益也

不益何

益者廣雅云何也玉篇云何不也通作益檀弓云子蓋言子之志於公平鄭注蓋皆當為益益何不也今按蓋从益聲古字通用故秦策云蓋可忽乎哉蓋即益也又通作閻管子小稱篇云閻不起為寡人壽乎莊子天地篇云夫子闔行邪釋文闔本亦作益闔亦从益得聲也曷者說文云何也詩內曷字箋竝訓何通作害詩害澣害否不瑕有害傳箋竝云害何也苑柳及長發傳竝云曷害也經典多以害為曷故書時日曷喪孟子作時日害喪書大誥凡言曷漢書翟方進傳竝作害詩葛覃釋文害與曷同廣雅云害曷益何也害曷益俱一聲之轉

虹潰也

謂潰敗

潰者說文云漏也文選西都賦注引蒼頡篇云潰滂決也詩召旻傳潰潰亂也虹者虹之段俗也說文云虹讀也引詩曰蝻賊內虹今召旻傳作虹潰也抑傳又作虹潰也爾雅釋文虹李本作降下江反今按降古讀若淇水經河水東北過黎陽縣南注云向書禹貢曰北過降水不遵其道曰降亦曰潰說文云洛水不遵道玉篇胡公胡江二切又洛潰也胡公即虹字之音是洛與降同故李巡以降為虹酈注以洛為降說云虹讀之潰云中止也與潰字之義亦近

暗闇也

冥然冥貌

闇者說文云閉門也玉篇云幽也廣韻云冥也玉篇與暗同暗者玉篇與暗同釋文暗字林或作暗同身感反一切經音義十二又以暗暗二形為古文暗字皆非也暗於經典無見疑陰之別體也說文云陰闇也錢氏答問云暗本當為陰論語高宗諒陰鄭訓陰為闇說文亦訓陰為闇皆據此文古書陰與音通左

傳鹿夙不擇音是也本俗音為陰後人妄加自旁景純不援引經典而望文生義由於未通六書之旨

黏膠也

黏膠

膠者釋詁云固也固之言黏也黏訓黏也黏者當作
眠說文云膠眠也眠與暱同釋詁云暱近也暱近與
膠固義近聲借為黏說文黏同云黏也引春秋傳
曰不義不黏今左氏隱元年傳黏作暱考工記弓人
注杜子春引作不義不眠
云眠或為黏是黏眠通

厥其也

夏禮也

謂常禮

夏者釋詁云常也秩亦常也禮為天秩秩為天常故周禮大宰注禮經常所秉禮法常所守也

闔臺也

城門臺

臺者門臺也禮器云不臺門古者天子諸侯門皆有臺城門亦然也闔者說文云闔闔也城內重門也爾雅以為臺者門有臺也故詩出其東門傳闔城臺也釋文引孫炎云積土如水渚所以望氣祥也郭義本毛傳詳見釋宮闔謂之臺

囚拘也

謂拘執

拘者說文云止也按止如晉人止公之止止猶執也說文報捕罪人是也囚者說文云繫也詩泮水傳及周禮序官掌囚注並云囚拘也樂記云釋箕子之囚史記畱侯世家作釋箕子之拘集解徐廣曰拘一作囚是囚拘通古讀拘如鉤易說卦云艮為拘虞翻注拘舊作狗亦其例是囚拘以聲近為義也

攸所也

所者一切經音義二引三蒼云處也所又語詞所之言是也故公羊文十三年傳注黨所也所猶是齊人語也所又與許同文選在郡臥病詩云良辰竟何許李善注許猶所也按詩伐木許許說文引許許作所所是其證所許聲近所是聲轉也攸者經典俱訓所通作適說文作適云氣行臭讀若攸按漢書之攸多俗適為之如地理志豐水適同九州適同五行志彝倫適敘彝倫適敦竝以適為攸也地理志注道古攸字

展適也

得自申展皆適意

適者一切經音義一引三蒼云悅也廣雅云善也善與悅皆快適之意展者釋詁云信也本以誠信為訓亦兼屈信之義古屈伸字皆借信為之故展又訓伸也舒也方言云舒勃展也舒亦自伸適之義舒伸適又俱一聲之轉

鬱氣也

鬱然氣出

氣與氣同鬱與鬱同鬱本香草以為鬱鬯其氣芬芳故以氣言之一切經音義二引李巡曰鬱盛氣也詩雲漢釋文引韓詩云鬱隆炯炯素問至真要大論云諸氣贖鬱左氏定二年傳鬱攸從之杜預注鬱攸火氣也是皆鬱為盛氣之義

宅居也

居者說文作宀云處也玉篇宀與居同宅者說文云所託也釋名云宅擇也擇吉處而營之也玉篇云人之居舍曰宅宅皆訓居說文訓託者託宅也玉篇云人故士相見禮注今文宅或為託是託宅通又通作度也書何度非及史記周紀作何居非其宐是皆度訓也書之證古書宅多作度是鎬京此維與宅論衡初稟篇宅是鎬京坊記作度是鎬京此維與宅論衡初稟篇

作此惟子度是皆宅作度之
證宅度古同聲度居聲又近

休慶也

慶者說文云行賀人也詩慶既令居祭統云作率慶
士箋注並云慶善也月令注慶謂休其善也休者釋
詁云美也美善義同故廣雅云休善也玉篇云休美
也福祿也慶善也然與休同周語云晉國有憂未嘗
不威有慶未嘗不怡又云為晉休威是休訓
慶也韋昭注以慶為福休為喜其義亦近

祈叫也

祈祭者叫呼而請事
叫者說文云嗥也詩北山傳叫號呼召也叫與訓通
又與蹠通說文蹠訓並云大呼也祈者釋詁云告也
又訓叫者叫告義同故一切經音義九引孫炎曰
祈為民求福叫告之辭也大祝注祈嘒也嘒即叫

濬幽淡也

濬亦淡也

淡者玉篇云邃也遠也濬者說文作容云淡通川也
引虞書曰容畎澮距川或作濬古文作濬書濬哲文
明正義引舍人曰濬下之淡也通作濬詩莫浚匪泉
傳浚淡也穀梁莊九年傳浚洙者淡洙也幽者釋詁
云微也微有淡藏之意故詩伐木
傳幽淡也斯干傳幽幽淡遠也

哲智也

智者說文作智云識詞也釋名云智知也無所不知
也哲者說文方言並云知也書舜典正義引舍人曰
哲大智也知智古字通智哲
聲相轉經典哲亦多作智

弄玩也

尹正也

謂官正也

皇匡正也

詩曰四國是皇

正者釋詁云長也長亦君故廣雅云正君也詩傳箋
並云正長也是正兼官長君長二義尹者說文云治

爾雅疏 釋言

欽

也治亦董正之義故詩都人士傳及書益稷鄭注並云尹正也廣雅以尹為官官之正也說文从尹為君君之正也君尊所以尹正天下者也故經典君尹二字通。又言正者釋詁云董督正也說文云正是也士冠禮注正猶善也玉藻注正直方之間語也是正又兼直方二義皇者君之正也釋詁皇為君又為美美善同意君尹同尊皆正之義故詩漸漸之石箋皇王也王即君君即正矣匡者玉篇云方正也方直皆正之訓故詩六月箋及夏官序官匡人注並云匡正也匡皇聲近故詩破斧傳皇匡也詩考引董氏云皇齊詩作匡是匡皇同毛傳以皇為匡本於齊詩其義互相證明也

服整也

服御之令齊整

整者說文云齊也文選東京賦注整理也服者釋詁云事也事之整也詩服之無斃好人服之鄭箋並云服整也按整之言治也今俗猶言整治箋義亦以整為治郭以服御為言失之

聘問也

見穀梁傳

問者說文云訊也詩女曰雞鳴傳問道也按道謂道說猶今問候人道萬福道勝常也聘者說文作娉云問也通作聘云訪也訪亦問故詩靡使歸聘傳聘問也郭引穀梁隱九年傳同

愧慙也

姪誅也

書曰姪則姪歟

誅者說文云討也曲禮注罰也大宰注責讓也今按誅有二義左氏莊八年傳誅屨於徒人費襄卅一年傳誅求無厭此皆以責讓為義也易雜卦云明夷誅也釋文引荀云誅滅也陸韓云傷也秦策云使復姚賈而誅韓非此皆以殺戮為義也以殺為義則誅與姪同姪者說文云姪也引虞書曰姪鯀于羽山段氏玉裁說文注謂爾雅姪當作極今略採其說云尙書鯀則姪歟釋文極本作極我乃其大罰極之釋文極

爾雅

卷二

本作極毛詩致天之屈鄭箋屈極也罰極紂於商郊
牧野正義屈極釋言文釋言又云極誅也武王致天
所罰誅紂於牧野定本集注極皆作極極是殺非也
據此箋疏可證爾雅是極非極又苑柳後子極焉鄭
箋極誅也正義曰極誅釋言文此又一證又周禮入
柄廢以馭其罪鄭注廢放也舜極鯀于羽山是也又
昭七年左傳晉堯姬鯀於羽山釋文姬本又作極此
又兩證又魏志武帝紀致屈官渡裴注引鴻範鯀則
極歎作極可證又鄭志答趙商鯀放居東裔非誅歎
左傳說流四凶族投諸四裔而已舜實未嘗殺鯀而
鯀歎於放所作極鯀者為正姬為段借字極窮
也窮與誅義相足說文曰誅討也討不必殺之

克能也

翌明也

書曰翌日乃瘳
翌者昱之段音也說文云昱明日也玉篇作日明通
作翌廣韻翌明日也漢書武帝紀云翌日親登嵩高

應劭注翌明也書王翼日乃瘳郭引翼作翌
越翼日癸巳漢書律曆志作若翌日癸巳

訥訟也

言訟
訟者說文云爭也易訟釋文言之於公也然則訟之
為言猶公也史記呂后紀云未敢訟言誅之訟言猶
公言也訥者說文作詢或省作訥云訟也詩降此鞠
訥不告于訥傳箋竝云訥訟也釋詁云訥盈也盈謂
發言盈庭亦爭訟之義通作詢荀子天論篇云君子
不為小人詢詢也輟行楊倞注詢詢喧譁之聲與訥
同又通作兇素問移精變氣論云麤工兇兇按訥說
文或作說是素問兇即說之省荀子詢亦詢之省矣
訥訟以聲為義也

晦冥也

冥者上文云幼也說文云幽也易豫釋文引馬云冥
昧也詩斯干箋冥夜也晦者說文云月盡也月盡則

爾雅卷之二釋言

三

光闇昧故詩酌傳晦昧也昧則幽昏故風雨傳晦昏也昏昧皆冥之義故公穀僖十五年傳竝以晦為冥也冥讀如字釋文亾定反

奔走也

走者說文云趨也釋名云疾趨曰走走奏也促有所奏至也奔者說文云走也釋名云奔變也有急變奔赴之也按釋宮云中庭謂之走大路謂之奔是奔走異經典則同故呂覽權動篇云齊王走莒走即奔也晉語云見王必下奔奔即走也說文奔走字皆从夭故奔走同意

逡退也

外傳曰已復於事而逡退者說文作復云卻也檀弓注去也鄉射禮注少退少逡遁也聘禮注三退三逡遁也玉藻注俛逡遁而退箸履也遁皆與巡同鄭俱本爾雅為訓也逡者說文云復也復即復字形近而譌玉篇逡巡也退也卻

也廣韻逡巡退也皆用爾雅可證矣方言云逡循也循與遁古音同遁有去義故或言逡遁或言逡循又言逡巡竝古字段借皆言卻退不進也漢鄭固碑云逡遁退讓正與此合山陽太守祝穆後碑云鄉黨逡今論語作恂恂亦退讓之義也齊語云有司已於事而竣韋昭注竣退伏也文選東京賦云已事而竣薛綜注竣退也是竣竣皆退之段借

憲什也

頤頤倒什也上文云憲踏也踏與什憲與躓俱聲義同釋文什音赴亦踏之聲變

亞次也

次者說文云不前不精也玉篇云敘也近也敘近皆次弟之義特牲饋食禮亞獻尸注次猶貳也按次从二聲二與貳同其義又為副貳矣亞者說文引賈侍中說以為次弟也經典亞皆訓次通作惡易繫辭云

而不可惡也釋文惡於嫁反荀作亞亞次也尚書大傳云王升舟入水鼓鐘惡觀臺惡鄭注惡讀為亞亞也

諭念也
念相思

諭者詩四牡傳念也箋云告也說文云深諫也引春秋傳辛伯諭周桓公鞅二諫告與念不同者念為心中諷誦與諫告之義相足成故以告諫為念也說文諭从念聲念从今聲是念古音奴枕切與諭聲近今奴店切則與諭聲較遠

屆極也
有所限極

極者釋詁云至也至亦極也屆者釋詁作艘而訓至說文云屆極也本此為訓詩內屆字傳箋或訓至或訓極至極其義同也屆亦俗為戒詩既戒既平傳戒至也至即極戒即屆矣屆極一聲之轉

奘同也
詩曰奘有龜蒙
奘蓋也
謂覆蓋

同者上文云檢同也此云奘同者奘訓覆蓋與同義近故又為同也洪頤煊引考工記冕氏侈奘之所由興奘謂鐘口斂斂即檢故檢奘皆訓同矣通作奘詩奘有四方傳奘同也又通作掩方言云掩同也文選高唐賦云越香掩掩李善注掩同也○蓋者說文作益云覆也通作蓋玉篇云掩也釋名云蓋加也加物上也奘者說文云蓋也詩閟宮正義引孫炎曰奘覆蓋亦覆之義按釋魚說龜云前奘諸果後奘諸獵是奘為覆蓋也通作奘魚說龜云前奘諸果後奘諸獵是也又通作掩文選懷舊賦注引埤蒼云掩覆也說文作揜為覆蓋也禮器云豚肩不掩豆聘義云瑕不揜瑜俱以揜為覆蓋也又與奘同說文奘蓋也玉篇云於含切是奘奘聲義同奘訓蓋者墨子曰周公旦非關叔辭三公東處於商蓋韓非子曰周公旦將攻商蓋幸公甲曰不如服眾小以劫大乃攻九夷而商蓋服矣商蓋即商奘也以奘訓蓋因而俗奘為蓋見段氏

爾雅釋詁

說文注
郤篆下

恫痛也

詩曰神
恫時恫

痛者說文云病也廣雅云傷也傷與傷同方言注痛
怨痛也恫者說文云痛也一日呻吟也匡謬正俗云
今痛而呻者江南俗謂之呻吟關中俗謂之呻吟太
原俗謂恫喚云通喚此亦以痛而呻吟其義一也又
引爾雅郭音呻音通亦音恫字或作恫所引即郭
音同義異詩思齊傳本爾雅桑柔云哀恫中國史記
燕世家云百姓怨恫皆以恫為痛也桑柔釋文恫本
又作痾痾蓋恫
之或體見玉篇

握具也

具謂備

具者釋詁云供峙其具也握者釋文引李本作幄云
居位處之具也今按幄說文作幄云木帳也釋名云

帳張也然則張施陳設與俱具義近通作屋詩夏屋
箋屋具也正義云釋言文又通作握易萃云一握為
笑釋文引鄭云握當讀為夫三為屋之屋周禮巾車
云組總有握釋文握劉音屋馬本作幄是幄握屋俱
古字
通

振訊也

振者
奮迅

訊者迅之段借也振者說文云奮也文選甘泉賦注
引韓詩章句同振奮即振訊故廣雅云奮振也又云
奮訊也訊即迅故樂記注奮迅也管子勢篇云大周
之先可以奮信信亦迅也迅為正體信訊俱段音故
詩雄雉七月釋文及樂記公羊莊八年釋文並云訊
本作迅迅訓疾疾有奮厲之意與振動義近振迅之
聲又
近也

闕恨也

相怨
恨

恨者當作很玉篇云很戾也諍訟也一切經音義三引國語注很違也違戾其義同閱者說文云恆訟也引詩兄弟闕于牆从門从兒兒善訟者也詩常棣傳闕很也曲禮注很闕也是毛鄭俱作很爾雅釋文引孫炎亦作很云相很戾也很音戶懇反左氏僖廿四相恨郭注從李巡今按恨很聲近義雖

越揚也

揚謂發

揚者說文云飛舉也易揚手王庭鄭注揚越也越者踰也踰舉足故為揚聘義云叩之其聲清越以長鄭注越猶揚也周語云汨越九原又云以揚沈伏而黜徹越韋昭注並云越揚也詩對越在天對越即對揚猶云對揚王休也鄭箋對訓配越訓於似失之又干戈威揚傳揚鉞也揚鉞即揚越本爾雅為訓也越鉞聲同越揚聲轉鉞字古止作戍與越通用明堂位云越棘大弓越即戍也鄭注以為國名恐非

對遂也

揚詩曰對

遂者申也進也達也通也俱與對答義近文選注引春秋孔演圖宋均注云遂道也道亦進達之意閒居賦注引聲類云遂從意也穀梁傳云遂繼事也繼從與當對之義又近矣對者詩以對于天下對揚王休流亦以對毛傳並云對遂也祭統云對揚以辟之鄭注亦云對遂也對遂古音相近以聲為義也廣韻云揚所未詳對訓

燬火也

燬齊人語

火者古讀如喜左氏襄卅年傳或叫於宋大廟曰禧詩七月流火與九月授衣酌是皆火讀如喜之證又讀如毀說文燬火互訓明其聲同釋名云火化也消入月萑葦酌是皆火讀如毀之證二讀實一聲之轉

也今音又轉為呼果切故詩汝墳釋文引郭璞燬又音貨是今音矣詩正義引李巡云燬一名火爾雅釋文引作燬字異音此皆以音讀為訓於義亦通燬說文引作焜火也周同方官云焜焜氏注焜讀如衛侯燬之燬是燬焜同說禮序官司焜氏注焜讀如衛侯燬之燬是燬焜同說文以焜為焜之重文與鄭異

懈怠也宣緩也

謂寬

懈怠宣緩竝以聲為訓也懈怠郭氏無注一切經音義十八引集注云懈懈有懈者極也怠者懶也今按極謂疲劇也懈怠與賣荅聲近今登萊人謂懈惰為賣荅匡謬正俗云怠懈之字通有荅音是也懈古字通故易序卦云解者緩也廣雅云懈緩也是懈怠與宣緩義同○緩者說文云綽也釋名云緩浣也斷也持之不急則動搖浣斷自放縱也是緩有縱弛之義下文云舒緩也寬綽也其義同宣者說文作

緇云帶緩也樂記云其聲擘以緩擘字亦段音說文作緇云帶緩也又云緩偏緩也音義皆相近宣無緩義經典亦無此訓宣與緇俱从巨聲爾雅蓋俗宣為緇矣

遇偶也

偶爾相值遇

偶者偶爾言不常也遇者逢也言不期而相值逢遇已見釋詁又訓偶者偶遇聲同也大宗伯注遇偶也欲其若不期而偶至文選注兩引爾雅竝作偶遇也一切經音義二亦引作偶遇也釋名云耦遇也二人相對遇也耦與偶同然則爾雅古本或作偶遇也但偶遇遇偶二義俱通遇偶俱从禺聲古音在侯部是二字聲義同

曩鄉也

國語曰曩而言戲也

曩者說文云不久也玉篇云少時也莊子秋水篇云證曩今故釋文引崔注曩往也華嚴經音義下引珠

叢云曷謂往時也曷者說文云曷也釋詁云久也爾雅以曷為久說文以曷為不久其義兩通故檀弓云曷者爾心或開予是曷為未久之詞文選北征賦云豈曷秦之所圖是曷為久詞其義則皆為曷也郭引晉語文韋昭注曷向也北征賦注亦云曷猶向時也向與曷音義同又作嚮或作鄉竝古字通也曷之聲轉為乃趙策蘇秦謂趙王曰秦乃者過柱山漢書曹參傳云乃者我使諫君也集注乃者猶言曷者是曷乃聲轉義同也乃與適通又通說文云適往也一切經音義十八引蒼頡篇云適往也往與曷其義同曷為曷日亦為往日往曷曷俱字之疊韻

惶暇也 詩曰不遑啟處

暇者說文云閑也與閒同左氏襄八年正義引舍人曰閒暇無事也通作假書須夏之子孫詩皇矣箋須夏作須假釋文假戶嫁反本又作暇正義引書多方鄭注夏之言暇也詩昭假遲遲箋亦以假為暇矣惶

者經典通作遑皆皇之或體也皇與假俱訓大又俱為暇其義實相足成後人見經典皇暇之皇皆作遑遂以遑為正體遑變作惶又省作惶反以皇為通借殊不知書云則皇自敬德表記云皇恤我後皇皆訓暇又左氏襄廿五年傳皇恤我後昭七年傳社稷之不皇襄廿六年及哀五年傳皇恤不敢怠皇是皆遑作皇之證襄廿九年正義引李巡曰遑閒暇也詩殷其雷釋文遑本或作惶爾雅釋文亦云遑或作惶通作皇是陸德明亦不知皇為本字矣暇古讀如反惶暇一聲之轉

宵夜也

說文云夜舍也天下休舍也又云宵夜也司寤氏注宵定昏也書堯典正義及爾雅釋文竝引舍人曰宵陽氣消也

懊忼也 謂憂 **惕貪也** 謂貪

忼者說文云貪也引春秋傳忼歲而漱日左氏昭元年傳文晉語作忼日而漱歲韋昭注以忼愉漱遲為訓其說未明杜預注謂翫渴皆貪是也翫與忼渴與漱並古字通易繫辭云所樂而玩者釋文引馬云玩貪也鄭作翫易翫玩並忼之段音矣懊者玉篇云於六切貪也忼五亂切貪也夔也是忼懊聲相轉○貪者說文云欲物也釋名云貪探也探取入他分也渴者說文以為憩字其引左氏作歎云欲歎也欲歎欲物其義俱為貪也玉篇渴居例切貪羨也按居例乃憩字之音渴本漱之通借當苦葛切爾雅釋文渴苦蓋反此音是矣

楮柱也

相楮

柱者說文云楹也玉篇訓楹者音雉縷切訓塞者音株主切塞謂櫜塞即楮柱之義也楮者說文云柱砥古用木今以石玉篇云楮柱也釋文楮柱作楮柱俱从手翳非也楮通作支周語云天之所支不可壞也

韋昭注支柱也又通作枝莊子齊物論篇釋文引司馬云枝柱也然則枝柱猶言枝梧省作支吾皆相撐持之義也楮柱之聲又相轉

裁節也

節者止也有儉省之意故賈子道術篇云費弗過適謂之節釋名云節有限節也裁者制也有減損之義易云后以財成天地之道鄭注財節也釋文財荀本作裁

竝併也

詩曰竝坐鼓瑟併者并也竝者比也說文併並互訓二字音同經典通用故儀禮注今文竝皆為併又云古文竝皆作併

率既也

已既

既者如春秋日會既之既公穀桓三年傳竝云既盡也詩汝墳傳既已也鄉飲酒禮注既率也率者釋詁

云盡也

情慮也

謂謀慮也

慮者釋詁云謀也思也情者說文云慮也玉篇云謀也又慮也釋文云情音囚字書作情按玉篇情字雖有囚音又姐冬一切即情字之音然玉篇既本說文別出情字云樂也一日慮也是情情字異音義同說文則二字異矣

將資也

謂資裝

資者齋之段音也說文云齋持遺也外府注齋行道之財用也掌皮注齋所給子人以物曰齋小祝注齋猶送也莊子列禦寇篇云萬物為齋送是齋訓送與將義同將者上文云送也送即持遺之義將齋又一聲之轉齋通作資外府注鄭眾云齋或謂資典婦功及典眾注竝云故書齋為資莊子德充符篇云不以

蒞紕也

今人呼縫紕衣為蒞

翼資釋文引李云資送也是俗資為齋其證甚明爾雅之資亦齋之通俗郭訓資裝與將義遠矣

紕者說文云縫也廣雅云納也急就篇注納刺謂之紕按今時亦呼縫紕為納也方言云紕衣謂之襍秦謂之緞又云敝而紕之謂之襍襍又云其敝者謂之緞郭注緞縫納敝故名之也然則緞與紕同矣蒞者說文云箴縷所紕衣又云襍紕衣也玉篇蒞或作蒞是蒞蒞同俗作縞書云縞縞鄭注縞讀為蒞蒞也司服注引作希縞云希讀為縞或作蒞

遞迭也

更迭

迭者說文云更迭也文選西都賦云更盛迭貴通作迭方言云更迭代也穀梁文十一年傳兄弟三人佚宕中國范甯注佚猶更也遞者說文云更易也書益稷正義引李巡云遞者更迭呂覽蕩兵篇云遞興遞

廢西京賦云遞宿迭居是遞迭同遞迭雙聲亦兼疊韻

矧況也

況

況者兄之段音也詩倉兄填兮傳兄滋也職兄斯引傳兄茲也常棣出車傳箋又云況茲也是況兄茲滋俱音義同古字通用況訓為滋滋訓為益既已如是況又如是即為滋益之詞又為譬況者凡譬況之詞皆於此詞之外有所增益故也古讀兄為荒與況同音白虎通云兄者況也況父法也管子大匡篇云兄與我齊國之政也修葦嶽碑云兄乃盛德皆以兄為況也故詩常棣釋文況或作兄桑柔釋文兄音況本亦作況陸德明既知兄本作況而於常棣況或作兄又以為非蓋不知毛詩古文況俱作兄常棣出車二詩作況由人妄改陸氏習其讀而妄其義也兄既通況又通皇故書云無皇曰漢石經作無兄曰尚書大傳云皇于聽獄乎鄭注皇猶況也是皆音同段借字耳矧者殊之或體也說文云殊況詞也从矢引省聲

今經典通作矧不省玉篇又作攷亦或體字也經典凡矧俱訓況廣雅云矧長也方言云殊長也長與益義近矧之訓為長亦猶兄之訓為長矣况之訓為益亦猶兄之訓為滋矣是皆古義之展轉相通也

廩

廩或說云即倉廩所未詳

廩者玉篇云倉也廩也廩者說文作向云穀所振入宗廟稟盛蒼黃向而取之故謂之向或从广廩是廩為或體經典俱作廩詩豐年傳廩所以藏蓋盛之穗也地官序官廩人注盛米曰廩按毛云藏穗鄭云藏米二說不同要為倉之總名故豐年釋文廩倉也是矣爾雅釋文引舍人大云廩少鮮也孫炎云廩藏穀鮮潔也是孫炎及舍人俱以廩為鮮或取鮮少或取鮮潔可知古本廩止作鮮後人淺俗妄以意作廩耳郭云未詳蓋以經典無廩字故也若作鮮訓少也廩亦少意故公羊文十三年傳羣公廩何休注廩者連新於陳上財合半相連爾鄭氏易注引作羣公廉廉猶廉也廉亦少意是廩為鮮少之名釋名云廩矧也

矜憐亦少之義與舍人合然則廩訓為鮮其證明矣

道逃也

亦見禮記

說文云逃也道逃也書大甲正義引樊光云行相避逃謂之道郭云見禮記者緇衣引太甲文鄭注用雅爾

訊言也

相問

言者對語之稱則直言曰言對訊之稱則相問為言廣雅云言問也曲禮君言不宿於家鄭注言謂有故所問也聘禮若有言鄭注有言有所告請若有所問也家人云言鸞車象人鄭眾注言言問其不如濼度者是皆言訓問之證釋名云言宣也宣彼此之意也然則自言與問人通謂之言矣訊者說文云問也經典訊多訓問問亦言也故詩出車箋及小司寇司刺注竝云訊言也出車傳又云訊辭也辭與言同然則

訊言即訊問詩執訊獲醜即執言而問也小司寇用情訊之即以言推問也司刺訊羣臣亦訊言訪問也玉篇廣韻竝云諄言也諄訊聲轉古字通用已詳釋詁諄告也下

閒覩也

左傳謂之謀今之細作也

覩者說文云警諭也一日閒見本爾雅為訓也詩覩天之妹韓詩覩作馨去警也又說文所本矣閒者釋詁云代也閒謂空際居其中則為閒代出其外則為閒見閒見猶言不常見也凡警況之詞必取非常所見故云罕警而諭方言謂之代語說文謂之閒見其義一也郭訓閒為謀非矣閒覩雙聲疊韻韻燁

沅沆也

水流

說文云沅沆大水也風俗通云沆者莽也言其平望莽莽無涯際也一切經音義七引通俗文云水廣

大謂之漭沆也。沆者，說文云：轉流也。讀若混。楚辭哀
歲篇云：流水兮沆沆。王逸注云：沆，沸流也。按沸流，即轉
流。沆，讀若混。亦與沆為雙聲。

干扞也

衛相扞

扞者，說文云：枝也。玉篇云：衛也。與捍同。華嚴經音義
下引聲類，扞作捍。通作戢。書汝多修扞，我于艱。說文
引作戢。我于艱，云戢也。止有禁禦之義。與衛義同。
也。干者，戢之段。俗也。說文云：戢，盾也。經典俗作干。詩
免置采芑，傳並云：干，扞也。公侯干城，左氏成十二年
傳引又曰：此公侯之所以扞城其民也。書正義及詩
釋文並引孫炎曰：干，楯也。所以扞城，其民也。書正義及詩
說文云：盾，所以扞身蔽目，是孫義所本。

趾足也

腳足 趾 趾也 斷

釋名云：足，續也。言續脛也。廣雅云：滿也。止也。即玉切。
又將喻切云：添物也。按添物與滿，止義亦相成。故老

子上云：常德乃足。河上公注：足，止也。趾者，說文作止。
云：下基也。象艸木出有趾，故以止為足。士昏禮云：北
止，鄭注：止，足也。古文止，作趾。海內經云：渠股脈止。漢
書禮樂志云：獲白麟，爰五止。皆以止為趾也。老子下
云：知不足，辱知止。不始詩：相鼠釋文引韓詩云：止，節
亦即止。足之義，經典止趾。通用。故釋名云：趾，止也。言
行一進一止也。趾，足聲。相轉。則者，明之。段，俗也。說
文云：明，斷足也。或从允，作趾。則，絕也。經典俱俗。則為
明。故書呂刑正義引李巡云：斷足曰則也。莊子：養生
主篇釋文引崔云：趾，斷足也。趾者，說文云：明也。讀若
匪。通作荆。釋文：趾，本亦作荆。經
典俱以荆為趾。蓋或體字也。

襄駕也

山襄陵

駕者，加也。玉篇云：上也。廣雅云：乘也。小爾雅云：凌也。
凌與陵，乘與乘同。左氏昭元年傳：猶詐晉而駕焉。杜
預注：駕，猶陵也。然則駕取乘陵之義。乘陵亦加上之
言，不獨馬在軌中稱駕矣。襄者，驥之段。俗也。說文云：

忝辱也

驥馬之低仰也玉篇云驥駕也超也低仰也廣韻云驥馬騰躍又速也低昂也馳駕也是襄駕之襄當作驥省作襄故詩兩服上襄終日七襄鄭箋竝云襄駕也史記趙世家正義云襄舉也上也文選西京賦注襄謂高也高上舉皆駕之義即驥字之訓故文選琴賦云參辰極而高驥李善注驥與襄同

煖煖也

今江東通言煖

煖者說文與煖竝云溫也玉篇云煖煖同又煖煖同蓋即煖煖之或體又云煖乃管切煖火園切分為二音非也煖从爰聲煖从與聲二字音同與煖相轉今讀煖乃管切煖於六切其音遂不復通矣煖者說文云熱在中也詩無衣傳煖煖也小明傳奧煖也奧與煖同書云煖若史記宋世家作奧若洪範正義引舍人曰煖溫煖也

塊塼也

土塊也外傳曰枕由以塼

塼者說文云由也由璞也由或从鬼作塊又云璞由也璞或从卜作卩吳語云涓人疇枕王以璞郭引璞作塼塼璞義同注作由字形之誤也既夕記疏引孫炎云塼土塊也

將齊也

謂分齊也詩曰或肆或將

齊者少儀注和也享人注齊多少之量酒正注齊者每有祭祀以度量節之義又有和調之義故食醬所掌食然則齊有限節之義又有和調之義故食醬所掌食飲羹醬皆謂之齊齊之為言劑也劑亦兼調劑分劑二義故漢書藝文志云百藥齊和集注齊與劑同是矣將者上文云資也又訓齊者齊資與將俱以聲轉為義詩或肆或將傳將齊也正義及爾雅釋文竝引王肅云分齊其肉所當用也又既齊既稷釋文齊鄭音資一音才細反謂分齊也皆與郭義合

餽餽也

餽餽也

餽者說文云糜也糜訓糝與糝別而亦以為糝之通名說文糝餽互訓糝即粥字今讀若周此古音也說文餽云周謂之餽宋謂之糝本謂之餽也然則爾雅之餽當是糝之糝者內則釋文餽厚粥也然則爾雅之餽當作餽矣餽者糝之音也說文糝也糝餽也糝餽即餽餽或體是餽餽通

啟跪也

小跪

跪者說文云拜也釋名云跪危也兩膝隱地體危隄也玉篇及文選月賦注並引聲類云跪踞也啟者踞之段音也說文云踞長跪也史記滑稽傳云希鞞鞠臆集解徐廣曰臆與踞同謂小跪也索隱曰臆音其紀反與踞同音謂小跪是臆即踞也經典借作啟詩四牡采薇傳箋並云啟跪也左氏襄八年及廿九年

正義並引李巡曰啟小跪也是郭所本注小踞亦當作小跪釋名云起啟也啟一舉體也按一舉體即小跪之義

暘密也

謂緻密

密者緻也說文云緻密也釋名云密密也如蜜所塗無不滿也暘者說文作暘云目旁薄緻也按薄緻謂文理緻密也猶縣縣說文云縣聯微也釋訓孫炎注縣縣言詳密也文選洛神賦注縣縣密意也是縣密即暘

開闢也

書曰闢四門

袍襦也

左傳曰重襦衣裘

襦者說文云袍衣也以絮曰襦以縕曰袍引春秋傳盛夏重襦左氏襄廿一年傳文也今左傳及經典俱

爾雅幾流化二釋言

三

爾雅義疏

三

省作繭玉藻云繭為繭縵為袍鄭注繭袍衣有著之
異名也爾雅釋文繭本亦作繭縣衣也袍者釋名云
袍丈夫著下至跗者也袍苞也苞內衣也婦人以絳
作衣裳上下連四起施緣亦曰袍義亦然也方言云
褒明謂之袍按古人以袍為裏衣故喪大記云袍必
有表不禪鄭注袍然則袍繭俱私褻之服左傳言重繭
箋亦云澤褻衣然則袍繭俱私褻之服左傳言重繭
衣裘亦非禪服公羊哀十四年傳涕沾袍蓋謂霑溼
裏衣何休注以袍為衣前襟誤矣

障眵也

謂壅障

眵者說文云井田閒陌也文選東京賦注引宋衷太
玄經注眵界也詩載芟傳眵場也場障聲義近也障
者說文云隔也釋文又界也然則障眵皆有界限之
義界限所以隔別也文選北征賦注引蒼頡篇云障
小城也按城垣為限與田陌為界其義亦近障眵又一聲之轉

覲姑也

然面姑

婚者說文云面醜也醜蓋覲字形譌詩何人斯正義
引作面覲是也方言云婚媿也婚媿聲轉又云婚猶
也猶婚亦聲轉也覲者詩傳用爾雅說文云面見也
詩正義引作面覲字形之誤也越語云余雖覲然而人面
當為面兒亦字形之誤也越語云余雖覲然而人面
哉韋昭注覲面目之貌是覲為面兒故釋文引舍人
云覲擅也一曰面覲也謂自專擅之貌玉篇云覲慙
貌又引埤蒼醜同覲亦見說文又引字書韞醜並覲
之或體也覲訓姑者釋文引孫李云覲人面姑然也
方言云楚鄭或謂狡猶為姑姑猶猶也凡小兒多詐
謂之姑是李孫義同所引方言也

糜也

糜淖

糜者說文訓糝糝以米和羹一曰粒也蓋以米和羹
為糝以米煮糝為糜糜糝通名故釋名云糜煮米使

糜爛也粥淖於糜粥然也鬻者經典省作粥而訓糜玉篇粥糜也既夕禮云歡粥鄭注粥糜也粥皆鬻字之省左氏僖廿八年昭七年正義及釋文並引孫炎云鬻淖糜也是郭所本上文餽饋郭云糜也此云淖糜然則四者同類而異名稠者曰糜淖者曰鬻今俗語猶然也又左傳正義俱連引餽饋鬻糜二文今書者誤分之

舒緩也

謂遲緩

上云宜緩也此云舒緩者舒宜聲轉釋詁舒兼敘緒二義詩傳舒兼徐遲二訓實則其義俱為緩也通作紆說文及詩采菽傳並云紆緩也

翯也

今之羽

翯翯也

舞者所以自蔽翯

左執翯君子陽陽傳翯也翯也所以舞也引詩曰

雅釋文翯字又作翯是蘇古本作翯今作蘇俗作蘇耳詩正義引孫炎云蘇舞者所持羽也翯者無正體經典作翯爾雅宋本作翯玉篇云翯也翯也翯翯並同郭云羽葆幢者雜記云匠人執羽葆御柩鄉師注引作執翯以御柩鄭衆注翯羽葆幢也爾雅曰翯翯也詩宛工傳及方言並云翯翯也釋名云翯陶也其貌陶陶下垂也詩正義引李巡云翯舞者所持之獨也翯又訓翯者翯蔽也說文翯華蓋也

隍壑也

城池空者為壑

壑隍釋詁並云虛也隍又訓壑者隍壑雙聲詩韓奕正義引舍人云隍城池也壑溝也李巡云隍城池壑也

筆搯也

謂拔取菜

塞者說文作撰云拔取也方言云撰取也南楚曰撰是撰塞俱撰之或體釋文引郭音義云本又作毛蹇俱段借字耳筆者亦段借字說文現撰也讀若苗玉篇引詩左右現之現撰也本亦作筆是筆現通詩關睢傳筆撰也正義引孫炎云皆撰菜也又引某氏云塞猶援也援引與撰義近儀禮及內則注筆菜也說文筆艸覆蔓皆非爾雅之義

典經也威則也

威儀可法則

典則釋詁並云常也經本經緯之字又借為常也道也法也皆與典義合故釋名云典鎮也制教法所以鎮定天下經徑也常典也如徑路無所不逕可常用也大宰注典常也經也禮也皆其義也。則者釋詁云法也威者詩有客傳威則也按威之言畏法則人所畏古讀君若威君人所畏而法則也郭注但云威似疏矣

苛妍也

多煩苛者

妍者說文云妬也苛者方言云怒也怒如聲義俱近苛妍聲轉義又相成故以為訓方言斷苛怒也小怒曰斷陳謂之苛是苛斷與苛妍同又內則注苛疥也聲義亦近疥瘡也亦煩苛多嫉怒也斷者齒相切也此皆詰訓之相通者

芾小也

芾者小貌

芾即市字市猶芾本蔽刺之名經典作芾借為蔽芾芾勝之字而訓小會意釋詁云蔽微也微亦小故說文云蔽蔽小艸也是蔽芾俱有小義故詩甘棠傳蔽芾小貌易豐釋文引子夏傳芾小也通作芾詩卷阿傳芾小也蔽芾甘棠韓詩外傳作蔽芾甘棠第又訓蔽蔽第皆以微遮為義亦猶蔽芾皆以微小為義也蔽第二字疊韻

迷惑也

狂復也

復為

復者又也重複之義狂者孫之段借也說文云孫復也玉篇云習也忱也或與狂同經典俱作狂詩大叔于田傳狂習也箋云復也小爾雅云忱也按魯語云夕而習復是習復同義忱癖慣習也釋文引李巡云狂能屈申曰復爾雅詩正義引孫炎云狂忱前事復為也郭與孫同復爾雅詩正義引孫炎云狂忱前事復為驕也與慣習義亦近

逼迫也

般還也

左傳曰般馬之聲

還者與旋同回也轉也圍也便也經典旋與還多通用般者說文云辟也象舟之旋按周旋本此周舟古

班賦也

謂布

字通齊華周字還亦作華舟是其證也易夷于左股釋文引馬王肅作般云旋也日隨天左旋也是般形近而義亦通又吳語云將還玩吾國於股掌之上股亦當為般今俗呼掌為巴掌即般掌之聲轉推之易云盤桓即般還也還亦音環故爾雅釋文還音旋或音環般郭音班一音蒲安反俱兼二音是也

賦者上文云量也說文云斂也詩烝民傳又云賦布布即班聲之轉布猶鋪也敷也皆與班義近也班者說文云分瑞玉廣韻引同玉篇引云分瑞也無玉字蓋本詩班瑞而為說周語注班分也方言云列也小爾雅云次也廣雅云序也序次分別皆賦布之意故周語云其適來班貢韋昭注班賦也一切經音義十布與也按班有徧義故李巡以班徧為言徧與辨同士虞禮記注古文班或為辨公羊僖卅一年傳注班者布徧還之辭與李巡合通作頌小爾雅云頌賦布

也祭義注頌之言分也文選馬汧督誅注頌與班古
字通又與盼同王制注名山大澤不以盼鄭注盼讀
班為

濟渡也濟成也濟益也

所以廣異訓
各隨事為義

渡者說文云濟也廣雅云過也濟者詩匏有苦葉傳
及檀弓注並云濟渡也省作度方言云過度謂之涉
濟郭注猶今云濟度楚辭惜賢篇云年忽忽而日度
皆借度為渡渡以過去為義也○濟又訓成者成就
也就濟聲轉樂記云事蚤濟也祭統云夫義者所以
濟志也鄭注並云濟成也詩載馳傳濟止也止亦成
就之義○濟又為益者益饒也多也又增也增濟亦
聲相轉左氏桓十一年傳益請濟師於王文十八年
傳世濟其美並以濟為益也詩旱麓
傳濟濟眾多也眾多亦增益之義
緡綸也 詩曰維絲伊緡緡
繩也江東謂之綸

綸者釋詁貉緡綸注云綸者繩也詩言綸之繩傳綸
釣繳也緡者說文云釣魚繫也詩何彼穠矣傳緡綸
也正義引孫炎云皆繩名也史記平準書
言緡錢酷吏傳言告緡緡皆錢貫之名

辟歷也

未詳

辟者釋詁云法也歷者麻之段倍也說文云麻治也
治法義近辟歷聲近凡聲近之字古人多以爲訓如
霹靂說文作劈歷釋名作辟歷釋采帛云并者歷辟
而密也然則歷辟歷俱以聲爲義也說文麻从秝
聲秝讀若歷又辟與辟同而訓治麻亦
訓治是皆義同之字以聲爲義者也

滌盥也

滌盥出
涎沫

盥者與漉同滲也素問瘧論云無刺漉漉之汗王砮
注漉漉言汗大出也滌者說文云順流也釋文引李
巡云吐沫滌也鄭語注滌龍所吐沫按說
文滌从斡聲斡力之切滌盥一聲之轉

寬綽也

謂寬裕也

綽者說文云緩也晉姜鼎銘有綽綽眉壽之言即綽緩也寬者本為屋寬大寬亦緩也故詩寬兮綽兮綽綽有裕毛傳綽綽寬也坊記注綽綽寬裕貌也爾雅邢疏引孫炎云性之裕者

袞黻也

袞衣有黻文

袞者說文云天子享先王卷龍繡於下幅一龍蟠阿上鄉釋名云袞卷也畫卷龍於衣也按卷袞古音近經典俗卷為袞袞訓黻者黻為弗文取拂弼為義袞龍有蟠屈之形示不得伸以受弼正也故曰袞職有闕惟仲山甫補之

華皇也

釋草曰華華榮

皇者草之段音釋草釋文華本亦作皇是也詩正義及爾雅疏引樊光云詩云皇皇者華孫炎云皇皇猶

煌煌也按郭注釋草引此作華皇也此釋文亦先華後皇石經及宋本竝同今本誤倒作皇華邵氏正義及臧氏漢注辨之是矣然邵氏不知說文麟部所引爾雅雞華乃釋草之文臧氏未載樊光孫炎二注皆失檢也

昆後也

謂先後方俗語

昆者第之段俗也說文云周人謂兄曰第玉篇省作第云今作昆第同經典通作昆左氏哀十八年傳昆命于元龜晉語云延及寡君之紹續昆裔杜預及韋昭注竝云昆後也按第為兄而字从弟从罪蓋取次敘連及之義罪从弟二體俱有後義故曰昆後矣

彌終也

終竟也

終者釋詁云卒就終也終有充滿之義彌者說文作彌云久長也久長與終義近故易繫辭釋文引荀注

爾雅郭義疏上之二
及詩生民卷阿傳竝云彌終也按彌又益也廣也滿也徧也方言云彌合也又云彌縫也縫合亦徧滿之義徧滿即終矣

爾雅郭注義疏上之二

